

廌子山集

廌文著
全十二册

張天如先生原序

婁東張溥題



周滕王迨序庾開府樂云子山妙擅文詞元王詩賦
誅潘安而碑蔡邕箴楊雄而書阮籍也稱重至矣庾
氏家世南陽聲譽獨步子山父子出入禁闈爲梁文
人雀航之戰倒徒先奔違才易務任恭其器後稱長
安臣于宇文陳帝通好請還終留不遣雖周宗好士
嫌趙賞音築宮虛館交齊布素而南冠西河族人發
漢鄉關之思僅寄於哀江南一賦其視徐孝穆得還
舊都奚啻李都尉之望蘇馬國哉子山在梁每言文

出京師傳誦初使北方人頗輕之讀枯樹賦始知敬
重盛名易地橋枳改觀難爲淺見寡聞者道也史評
庾詩綺豔杜工部又稱其清新老成此六字者詩家
難兼子山備之至臺榭未易幾及文與李穆敵體
辭生於情氣餘於彩乃其獨優令狐謨史詆爲滌放
輕險詞賦罪人夫唐人文章去徐庾最近窮形寫態
模範是出而散於後每始將諱所自來先縱尋斧歟

庾子山集總目

序

題辭

年譜

世系圖

本傳

滕王序

目錄

第一卷

第二卷

賦

第三卷

詩

第四卷

詩

第五卷

樂府

第六卷

歌辭

第七卷

表

第八卷

啓書

第九卷

連珠

第十卷

讚

第十一卷

教序

文傳

第十二卷 錄

第十三卷 碑

第十四卷 碑

第十五卷 誌銘

第十六卷 誌銘

總釋

卷一

卷二

卷三

卷四

卷五

卷六

卷七

庚子山集目錄

卷一 賦

三月三日華林園馬射賦

小園賦

竹杖賦

仰竹杖賦

枯樹賦

傷心賦

象戲賦

春賦

庚子山集目錄

七夕賦

燈賦

對燭賦

鏡賦

鴛鴦賦

蕩子賦

卷三 賦

哀江南賦

卷三 詩

奉和汎江詩

奉和山池

陪駕幸終南山和宇文內史

和宇文內史春日遊山

遊山

和宇文京兆遊田

奉報寄洛州

奉報窮秋寄隱士

上益州上柱國趙王二首

謹贈司寇淮南公

正旦上憲府

任洛州酬薛文學見贈別

將命至鄴酬祖正員

將命至鄴林園賦王正員

入彭城館寄鄴士

同州還寄鄴

從駕觀講武

奉報趙王出師在道賜詩

和趙王送峽中軍

奉和趙王途中五韻

同廬記室從軍

侍從徐國公殿下軍行

狀聞遊獵

覓征客始還遇獵

奉和闡弘二教應詔

至老子廟應詔

奉和趙王遊仙

奉和同泰寺浮屠

奉和法筵應詔

和從駕登雲居寺塔

和何儀同講竟述懷

房山集
三
奉和趙王隱士

擬詠懷二十七首

和張侍中述懷

奉和示內人

奉和趙王美人春日

奉和趙王春日

夢入堂內

和詠舞

夜聽搗衣

預麟趾殿校書和劉儀同

和宇文內史入重陽閣

忝在司水看治渭橋

北園新齋成應趙王教

同會河陽公新造山池聊得寓目

同一作同

登州中新閣

歲晚出橫門

北園射堂新成

卷四 詩

園庭

歸田

寒園卽目

幽居值春

卧疾窮愁

山齋

望野

蒙賜酒

奉報趙王惠酒

有喜致醉

喜晴應詔

同顏大夫初晴

叅在司水看沼渭橋

北園新齋成應趙王教

同會河陽公新造山池

登州中新閣

歲晚出橫門

北園射堂

同盧記室從軍

卷四

詩

園庭

歸田

寒園卽目

幽居值春

臥疾窮愁

山齋

望野

蒙賜酒

奉報趙王惠酒

有喜致醉

喜晴應詔
勅自疏韻

同顏大夫初晴

別張洗馬

別張七入蜀

將命使北始渡瓜步江

反命河朔始入武州

冬狩行四韻連句應詔

和王內史從駕狩

入道士館

奉和宋豐殿下言志十首

奉爾成詠

慨然成詠

奉和賜曹美人

和趙王看伎

奉答賜酒

奉答賜酒鵝

正旦蒙趙王賚酒

衛王贈桑落酒奉答

就蒲州使君乞酒

蒲州刺史中山公許乞酒一車未送

答王司空餉酒

舟中望月

整月

對雨

喜晴

詠春近餘雪應詔

奉和初秋

晚秋

和潁川公秋夜

詠畫屏風詩二十四首

贈周處士

尋周處士弘讓

鏡

梅花

詠樹

鬪雞

應令

杏花

集周公處連句

寄徐陵

寄王琳

奉和趙王

和劉儀同臻

和庾四

和侃法師三絕

送周尚書弘正二首

重別周尚書二首

贈別

徐報使來止得一見

行途賦得四更應詔

和江中賈客

奉和平鄴應詔

送衛王南征

猶山三首

山齋

野步

山中

聞怨

和趙王看妓

看舞

聽歌

暮秋野興賦得傾壺酒

對酒

春日極飲

春望

新月

秋日

望渭水

塵鏡

和淮南公聽琴聞弦斷

弄琴一首

詠羽扇

題結綫袋子

賦得鸞臺

賦得集池雁

詠雁

忽見檳榔

賦得荷

移樹

奉梨

傷往二首

春日離合二首

和迴文

問疾封中錄

示封中錄二首

秋夜望單飛雁

代人傷往二首

俠客行

卷五 樂府

對酒歌

昭君辭應詔

王昭君

出自薊北門行

結客少年場行

道士步虛詞十首

烏夜啼北門

怨歌行

舞媚娘

烏夜啼

燕歌行

楊柳歌

卷六

郊廟歌辭

周祀圓丘歌

昭夏

昭夏

昭夏

皇夏
雲門舞
登歌

皇夏
雍夏
皇夏
皇夏

周祀方澤歌

昭夏
登歌
皇夏

周祀五帝歌

皇夏
皇夏
皇夏

青帝雲門舞
配帝舞
皇夏

赤帝雲門舞
配帝舞
皇夏

黃帝雲門舞
配帝舞

白帝雲門舞
配帝舞

黑帝雲門舞

配帝舞

周祀宗廟歌

皇夏
昭夏

皇夏

皇夏

皇夏
皇夏

皇夏

皇夏

皇夏
皇夏

皇夏

皇夏

周大祫歌

昭夏
登歌

燕射歌辭

宮調曲五首

變宮調二首

商調曲四首

角調曲二首

徵調曲六首

羽調曲五首

卷七 表

賀平鄴都表

賀新樂表

為閻大將軍乞致仕表

代人乞致仕表

齊王進白兔表

齊王進蒼烏表

齊王進赤雀表

為晉陽公進玉律秤契斗升表

進象經賦表

賀傳位於皇太子表

爲杞公讓宗師驃騎表

功臣不死王事請門襲封表

卷八

啟書

謝滕王集序啟

答趙王啟

謝趙王示新詩啟

謝趙王賚絲布等啟

謝趙王賚絲布啟

謝趙王賚息絲布啟

謝趙王賚白羅袍袴啟

謝滕王賚巾啟

謝明皇帝賜絲布等啟

謝趙王賚犀帶啟

謝趙王賚米啟

謝趙王賚乾魚啟

謝滕王賚馬啟

謝滕王賚猪啟

謝趙王賚馬并織啟

謝趙王賚雉啟

爲梁上黃侯世子與婦書

卷九 連珠

擬連珠四十四首

卷十 讚

黃帝見廣成子讚

堯登壇受圖讚

舜舞干戚讚

禹渡江讚

湯解祝網讚

文王見呂尚讚

武丁迎傅說讚

成王刻桐葉封虞讚

漢高祖置酒沛宮讚

漢武帝聚書讚

袁盎諫文帝讚

朱雲折檻讚

周公戒伯禽讚

五月披裘負薪讚

王祥扣冰魚躍讚

孫叔敖逢蛇讚

高鳳好書不知流麥讚

張良遇黃石公讚

師尚父授丹書讚

榮啟期三樂讚

夫子見程生讚

鉏麇見趙盾讚

蔡澤就唐生相讚

李陵蘇武別讚

樊噲見項王讚

秦穆王飲盜駿馬讚

延陵季子遇徐君讚

鶴讚

卷十一 教 山 文 序 獲

答移市教

移齊河陽執事文

又移齊河陽執事文

移留虜使文

趙國公集序

周使持節大將軍廣化郡開國公丘乃敦崇傳

卷十二 銘

秦州天水郡麥積崖佛龕銘

終南山義谷銘

思舊銘 并序

玉帳山銘 并序

吹臺山銘

望美人山銘

至仁山銘

明月山銘 并序

行雨山銘 并序

刀銘三首

卷十三 碑

陝州弘農郡五張寺經藏碑

溫湯碑

周上柱國齊王憲神道碑

周太子太保步陸逞神道碑

周大將軍崔說神道碑

周大將軍司馬裔神道碑

周柱國大將軍長孫儉神道碑

卷十四 碑

周柱國大將軍紇于弘神道碑

周柱國大將軍大都督同州刺史余綿永神道

碑

周車騎大將軍賀婁公神道碑

周上柱國宿國公河州都督普屯威神道碑

周柱國楚國公岐州刺史慕容公神道碑

周兗州刺史廣饒公宇文公神道碑

周隴右總管長史贈太子少保豆盧公神道碑

卷十五

誌銘

周大將軍襄城公鄭偉墓誌銘

周驃騎大將軍開府侯莫陳道生墓誌銘

周車騎大將軍贈小司空宇文顯墓誌銘

周大將軍琅瑯定公司馬裔墓誌銘

周大將軍懷德公吳明徹墓誌銘

周大將軍上開府廣饒公鄭常墓誌銘

周大將軍開嘉公柳遐墓誌銘

周大將軍義興公蕭公墓誌銘

周大將軍趙公墓誌銘

卷十六

誌銘

夫人

周譙國公夫人步陸孤氏墓誌銘

周趙國公夫人紇豆陵氏墓誌銘

周安昌公夫人鄭氏墓誌銘

周大將軍隴東郡公侯莫陳君夫人竇氏墓誌

銘

周冠軍公夫人烏石蘭氏墓誌銘

周太傅鄭國公夫人鄭氏墓誌銘

後魏驃騎將軍荊州刺史賀拔夫人元氏墓誌

銘

周大都督楊林伯長孫瑕夫人羅氏墓誌銘

周儀同松滋公拓拔競夫人尉遲氏墓誌銘

周驃騎大將軍開府儀同三司冠軍伯柴烈李

夫人墓誌銘

彭城公夫人爾朱氏墓誌銘

附錄

伯母東平郡夫人李氏墓誌銘

附錄

注釋庾集題辭

全齊書卷之二十一

庾集

庾子山咀嚼英華獻飫膏澤上自天監下迄開皇汪
表一文爭相傳誦咸陽洪筆多出其辭誠藝苑之山
嶽詞林之淵府也自滕道撰集於新野魏澹闡注於
房陵道之所撰自魏及周著述裁二十卷其南朝篇
作蓋闕如也及隋文帝平陳所得逸文增多一卷故
隋書經籍志稱集二十一卷其所集殆有大抵揚子
十四卷之遺也澹字彥深集鹿下曲陽人其爲書畫
世以文學自業專精好學博涉經史善屬文詞卷第
逸爲太子舍人廢太子勇深禮遇之在庾信集卷

稱其博物隋史列傳具載其事舊唐書志有卷之十
卷與本傳合要稱其滕王所撰也庾集在於周隋有
此二本矣今其書並已不傳世之所謂庾開府集本
宋太宗諸臣所輯分類鳩聚後人抄模成書故其中
多不詮次取而注之文集凡十有六卷并釋其序傳
撰年譜世系圖二篇有所脫漏在於末卷總釋訣闕
陋識敢云燕石之瑜摘句尋章自陋紹尾之續舉其
大略附之篇首云爾

子山精敏博極羣書史傳贊言尤善左氏觀其序出

師之名則靈鈿金僕稱兆亂之子則澹日狼心星紀

庚辰以志亡滅之期紀侯邴子以記出奔之狀車徒
覆而馬旋濘甲裳去而餘皇棄包胥依牆於七日辛
有感祭於百年他如走羣望則實沈臺駘致大漸而
黃熊赤鳥季氏亡則魯不昌子雅喪而姜族弱組織
傳文庾爲甲矣自非橫一卷於長頭數平生之極癖
何以得此若夫易禮分王鄭之學尚書別今古之文
雖家本江南而學遵河北至於九流七略海上名山
遊仙步虛則朝浮紫氣麥崖經藏則夜落常星莫不
言若泉湧思如飈發此文正振全聲大成之集也
九辯九歌濫觴於戰國一都二京豁貫於漢魏先之

以賈馬王揚申之以曹王顏謝文盡亦數變矣至若
鄴元之注水經楊銜之志伽藍江表似覺遜之夫南
朝綺豔或尚虛無之宗北地根株不祖浮靡之習若
子山可謂窮南北之勝稱其文詞則安仁伯喈論其
銓敘則令升承祚而今人厭薄此體以難於敘事是
謂筆筆對仗守一而不變者也子山之文雖是駢體
間多散行譬如鍾王楷法雖非八體六文而意態之
間便已橫生古趣唐之王後盧前直如虞褚諸家駱
賓王差與李嶠等則顏魯公耳至若中晚之單薄宋
元之鄙俚漸類墨猪殆又降而益下者與

子山北地羈臣南朝才子若令早還梁使依然英藺
之名不伐江陵永仕中興之國遇合乃所願焉文章
蔑云進矣所以屈原宋玉意本牢愁蘇武李陵情由
哀怨哀江南一篇可以知其正矣王司空贈周汝南
書感此別離顏大夫著觀我生賦稱其清致史亦並
載其文若此賦則又吳蜀在前而子山之爲魏國先
生也其指南梁則以楚事爲辭言西魏多以秦人爲
喻念護軍而悲濟陽憤正德而詈申子有尚書之多
算而事異臥牆有司徒之勤王而身悲逐獵搜神記
之五郡兄弟梁家實有其班孝子傳之三州父子南

國適符其數喻王琳於陶瓊安用借資比鴉仁於顧
榮空循僞迹畢昂牛斗原失計於武皇神華龍荒慨
無謀於元帝齊秦交患晉鄒焉依陳人帝而鳳飛岳
陽附而天醉石頭去矣建業何路可歸鶉首剪諸江
陵無家可寄擬招魂之作竟兮歸來狀七哀之詩哀
可知矣

哀江南賦序稱不無危苦之詞惟以悲哀為主予謂
子山入關而後其文篇篇有哀悽怨之流不獨此賦
而已若夫枯樹銜悲殷仲文婆娑於庭樹叩竹寓憤
桓宣武贈禮於楚丘小園豈是樂志之篇傷心非爲

弱子所賦咏懷之二十七首楚囚若操其琴連珠之
四十四章漢將自循其髮吳明徹乃東陵之故侯蕭
世怡亦思歸之王子永豐和言志之作武昌思食其
魚觀寧發思舊之銘山陽悽聞其笛何僕射還宅懷
故周尚書連句重別張侍中藏舟終去並爾述懷元
淮南寶鼎方歸猶慙全節曾叨右衛猶是故時將軍
已築仁威尚贈南朝處士徐孝穆平生舊友一見長
辭王子珩故國忠臣千行下淚凡百君子莫不哀其
遇而憫其志焉若夫三春七夕之章蕩子鴛鴦之賦
燈前可出麗人鏡中惟有好面此當時宮體之文而

非仕周之所爲作也

西魏所國本是秦都南梁之伐爨由安定彼旣變魏
作周此乃遷南事北終年羈旅榮期豈謂樂茲匿怨
而臣丘明自然恥此而乃羨諸毫翰託擬風騷如擬
咏懷二十七首有云惜無萬金產東求倉海君又云
移住華陰下終爲關外人其悲憤皆此類也昔謝靈
運作詩有云韓亡子房奮秦帝魯連恥當時稱其異
志是以名士少有自全文章之禍最酷周之世宗高
祖滕王趙王才藻所擅旣已並麗淵雲披覽之餘豈
其獨昏菽麥明時不諱其在此與原其築宮虛館有

足稱已

江南競寫曾與徐陵齊名河北程才獨有王褒並埒
然而青衿初學同時子服之班白首無徒且結桓譚
之好徐旣未可齊驅王亦安能並駕是以寫片石於
溫子餘則無人類一語於吳筠終須削札專標庾氏
百世無匹者也

乞靈假寵無非操我戈矛異議高談倏爾縱其尋斧
文中以爲其文夸誕令狐謂之詞賦罪人彼旣未許
肩隨而乃騁其臆說若夫非劉勰而文心非鍾嶸而
詩評品藻之說人稱屢中踏駁之論予曰未可

秦圖所載在天有星辰分野在地有山水陰陽禹貢
夏書職方周氏班考地理彪志郡國自此南遊五馬
北據黃龍地形自爾剖分州郡率多僑置大抵前承
漢魏後歷隋唐以是循求差足彷彿自茲而降多不
雅馴若夫山河屢異陵谷幾遷雖使豎亥尋山夸父
逐日今之所遊或非古處笨伯之談爭相標榜以爲
古人某地卽今某處驗諸前典正復不然是猶登華
嶽者望蓬瀛以爲途適於越者指沙漠而爲路求其
合也不亦遠乎有如稟嵩華之玉石澗河洛之波瀾
此時尚住鄴陵居負洛而重世邑臨河而宴安然後

遷居新野天關地軸以轉其神華沙起柱飛以志其
遷徙刺梁益則漢武求仙郡漢中而劉封失策序其
往古之跡也趙王鎮蜀則延閣叢臺齊王平鄴則石
閭玉鼓稱其前後所歷也馮翊涼州俱有伏龍崑崙
霍山各分天柱言鄂坂而南北異途並遂城而燕韓
易地命赤山之泰岱或借天孫比太壹於金陵同稱
地肺玉帳明月倡自簡文之作而知其必在江南虎
踞龍盤本出張勃之書而或者妄稱蜀志又如張遼
赤壁葛誕九都則疑似之間也日廣漢爲長松指睢
陽於宋國則今古之別也豫章統以歷陵而稱歷陵

之木滹沱在於安平而號安平之河凡此實費搜求
敢云翔實乎

禮記生而命名史傳兼稱小字中朝名宿荀子阿奴
南國詞人范曄謝客是以昔時王子比之今我蘭成
正如此日司徒對以當年狐偃若使連名引古點鬼
之簿何爲別體稱今小名之錄已志他如柳名申子
青州似彼齊奴立字荀娘文園亦稱犬子復有氏彼
邑居尊之茅土張封壯武羊邑南城征南鎮北之名
護軍尚書之號無非因事推詳本是隨文稱述

賦詩雖取斷章然一句而未盡一篇之文春秋謂之

書策有季年而事循元年之例總以觸物而興不必類集一處有如言無鐘者非爲襲苜稱襲苜者不說無鐘師興而雨非是圍原三日原降何曾遇雨空尋無射之書輒廢請雨之錄略言其一餘是見矣古人惟取博通後人止尚標竊貴鄙之習罄竹難書蓋類書盛行於唐宋而非庾氏之所爲學也

郊丘本殊禘自別昊天之下又有五天而更祀其感生之天四廟之上特立太廟而別立以二祧之廟此周制也宇文氏入關以後尚闕樂聲平荆以還大獲梁器太祖始行周禮武帝初造山雲制作議於盧

辯諸人文章出於庾信之手蓋當時上遵鄭氏河北之學徐遵明之遺訓也若夫七世之說本是王肅之改稱九廟之制亦自劉歆之諂說嘗案古文尚書如左傳所載杜氏稱逸書者真古文也餘皆諸子之學呂氏春秋云商書曰五世之廟可以觀怪萬夫之長可以生謀高誘曰逸書喻山大木大生大物廟者鬼神之所在五世久遠故於其廟觀物之怪異也按逸書如此自漢以後皆習今文尚書孔安國所注古文遭巫蠱不傳肅黨託言出自皇甫謐家改易此文以資難鄭若果七世觀德咸陽市門千金其兩致乎肅

之妄也若夫三廟不毀與四親廟而七惟周始有其
數漢武喜功實爲流毒博而篤矣予師韋公劉歆取
殞葬之期以應廟數豈云得禮王肅本此訣言遂謂
高祖之父高祖之祖共七廟而九歆惟滋一時之議
肅則亂萬世之經後周憲章其功大矣六卷之文或
載辯於弁首或附議於篇末無非本諸經疏未敢肆
其筆端者也

魏釐之冢舊闕殘編魯恭之壁間多爛簡其或字本
舊遺義存原闕至有虛虎三書魯魚一變或音同而
字異或半類而全非如二王二郟三清四說謝中郎

譏佞佛佞道本是二何舍利弗爲大事因緣殷勤三
請乃有訛爲二王之音易以三清之字胡組而書故
組任咸而誤任延廣漢流渥豈云廣莫之都枝江有
碑不混板楯之弩雖還原字仍定正文其或疑不能
判並皆抄內以備異聞若乃紕繆顯然亦必矯正以
懲其誤至於一事所出諸書並載或此詳而彼略或
先源而後委要欲處處見之非關重複也又有一姓
雙名兩人同地京兆有邊鳳繼踵或者卽是子韶塞
庫本王季所囚此鄉亦留箕子今雖無考古或有書
諸所擬詞愧云篤論卽如蔚宗作書之始兩漢自有

諸家唐皇稱制以前二晉各有數本先後既多異同彼此互分詳略書之不傳亦有命也予嘗於十七史之外欲遍勒諸史別部荀悅袁宏以下惜未盡得其本望中郎之盡與是所愧心假石瓊於鄰人庶幾免矣

秦儒出谷金鏡又以數亡漢簡吹灰珠囊幾經重理考藝文於漢志或有未識其名驗經籍於隋書焉能盡存其本况復東宮抄撰麟趾校書俊邁絕倫羣書博覽求之當世未窺半豹之斑豈有後人翻識全牛之體百川皆到非容測蠡而知五技易窮不過滿腹

而止諸所闕疑自安疎隱者也

新寶宋之符印本

盡亦其本也

考漢文欽

東論出公金

父



男源女淳校

本重中腹之盡

之代

於此

清

庾子山年譜

錢唐倪璠魯玉編

梁武帝

梁書本紀曰帝諱衍字叔達小字練見姓蕭氏與齊同承淮陰令整之後齊明帝崩遺詔以帝為都督雍州刺史永元三年二月帝發襄陽十二月斬東昏南康王即帝位進帝位相國總百揆封十郡為梁公備九錫之禮進爵為王齊帝下詔禪位天監元年夏四月即位於南郊在位四十九年崩身為武帝廟曰高祖葬於修陵

天監十二年 癸巳

武帝即位之十二年也陸倕新刻為筆目天監六年太歲丁亥哀江南賦稱太清二年為庚辰知是年歲在癸巳又以滕王道序巳亥年六十七歲逆數之信當以是年

天監十三年 甲午

秋七月立皇子綸為邵陵王釋為湘東王紀為武陵王隋書地理志梁武帝除

舊吳天監十三年有州十三郡三百五十縣牙

中州一百七郡縣亦稱於此

天監十四年 乙未

天監十五年 丙申

是歲魏明帝詔熙平元年

天監十六年 丁酉

春詔織錦者不得為仙人鳥獸之類以其裁翦有乖仁恕宗廟牲牢皆代以麩薦用蔬菓朝野喧囂以為宗廟去牲乃是復血食帝終不從按武帝溺情釋教實起於此

天監十七年 戊戌

天監十八年 己亥

夏帝於無得殿受佛戒

普通元年 庚子

是歲魏正光元年

普通二年 辛丑

普通三年 壬寅

普通四年 癸卯

是年簡文帝以晉安王為雍州刺史更信父肩吾為晉安王國常侍王每徙鎮肩吾州被命與劉孝威等十人抄撰眾籍豐其粟饌號高齋學士

普通五年

甲辰

普通六年

乙巳

是歲魏孝昌元年

普通七年

丙午

大通元年

丁未

本紀云初帝創同泰寺至是開通太門以對寺
 之南門取反語以協同泰自是晨夕講義多由
 此門三月辛未幸寺捨身甲戌還宮大赦改元
 大通以符寺及門名及簡文帝為太子時有望
 同泰寺浮圖詩子山集冲奉和同泰寺浮屠即
 此寺也信時年十有五歲侍梁昭明太子東
 宮講讀滕王道序信年十五侍梁東宮講讀賦
 云蘭成射策之年是也按天監元年立皇子統
 為皇太子至中大通三年
 薨知為梁昭明太子時也

大通二年

戊申

是年春魏明帝崩夏魏大都督爾朱榮推奉孝莊帝是為求安元年

中大通元年

巳酉

六月都下疫甚帝於重雲殿為百姓救苦設齋以身為禱按賦云設重雲之講即此殿也秋九月朱雀航華表災按朱雀航即後太清二年庚信屯兵處九月帝捨身同泰寺羣臣以一億萬奉贖皇帝三請乃許

中大通二年

庚戌

夏四月幸同泰寺設平等會是歲魏莊帝末安三年秋魏莊帝殺其權臣爾朱榮僕射爾朱世隆奔高都壽長廣王曄為主而弑孝莊帝年號建明集史壽誌所稱永安以來魏室大壞又云洛邑亂離當塗危逼蓋指是事

中大通三年 辛亥

夏四月皇太子薨六月立昭明太子于教為
章郡王譽為河東郡王譽為岳陽郡王 秋七
月立晉安王綱為皇太子信父肩吾為梁太子
中庶子掌管記東海徐摛為右衛率縉子陵友
信並為抄撰學士文並綺暨世號徐庾體時信
為湘東國常侍轉安南府叅軍年十九歲 十
一月上幸同泰寺升法座為四部衆說 聖樂經十
爾朱兆又廢其主曄而奉節閔皇帝為普泰元
年又魏渤海王高歡舉兵信都期奉渤海太守
朗為主改普泰為中興

中大通四年 壬子

春立臨川王宏子正德為臨川郡王 嫡皇孫
大器為宣城郡王 邵陵王綸有罪免為庶人
是歲魏高歡平爾朱氏廢節閔帝及白所奉
渤海故王朗而奉平陽王修凝為孝武帝末熙

元
年
東
魏
人
來
事
北
魏
東
魏

中大通五年 癸丑

是歲魏孝武用侍中斛斯椿之言疑忌高歡殺其黨司空高乾始與歡有隙

中大通六年 甲寅

是年春魏秦州刺史侯莫陳悅殺關西大行臺賀拔岳夏夏州刺史宇文泰收岳擊悅斬之孝武以泰為關西大行臺秋魏孝武帝出屯河橋高歡將兵淮河孝武西奔長安以宇文泰為丞相秉政歡追至華陰而還別奉清河王庶子善見為主徙都鄴魏於是始分為兩孝武既至關中又與泰不睦未幾遇鴆而崩

大同元年 乙卯

是歲西魏文帝寶炬大統元年宇文泰封安定郡公

東
千
山
年
晉

大同二年

丙辰

大冬十二月與東魏通和

大同三年

丁巳

秋東魏人來聘使兼散騎常侍張臯聘於東魏
 是年高歡自蒲津伐西魏使大都督寶泰攻
 潼關春宇文泰擊寶泰斬之歡走秋宇文泰攻
 東魏弘農拔之冬高歡自蒲津擊西魏泰與戰
 於沙苑大破之俘斬七萬歡走泰遂濟河擊蒲
 坂汾絳皆下之還屯馮翊又使開府獨孤信攻
 洛陽拔之梁陳以西多降西魏集中諸碑誌所
 稱戰河橋復弘農解華山圍平沙苑陣皆是年
 事魏之大統三年也

大同四年

戊午

夏東魏人來聘秋使兼散
 騎常侍劉孝義聘於東魏

大同五年

己未

冬東魏人來聘使兼散騎常侍柳豹聘於東魏

大同六年

庚申

秋東魏人來聘遣散騎常侍陸晏子報聘

大同七年

辛酉

夏東魏人來聘遣兼散騎常侍明少遐報聘冬東魏人來聘遣兼散騎常侍袁狎報聘十二月於宮城西立士林館延集學者賦云開士林之學卽是館也

大同八年

壬戌

春安成郡人劉敬躬挾左道以反江州刺史湘東王繹遣中兵曹子郢討擒之送於都斬之建康市按滕王迥序信時爲郢州別駕使與湘東王論中流水戰事醜徒聞其名德遂卽散奔賦

云論兵於江漢之君在
是年也時年三十

大同九年

癸亥

冬益州刺史武陵王紀進號
征西將軍開府儀同三司

大同十年

甲子

三月幸京口城北固樓因改名北顧南史梁宗
室傳云蔡謨起樓其上以置軍實是後崩壞頂
猶有小亭又云武帝登北顧亭曰江右有反氣
骨肉為戎首賦云遭東南之反氣按太清亂後
諸鎮猜嫌骨月屠害
武帝之言竟為驗矣

大同十一年

乙丑

夏東魏人來聘南史紀年不載聘魏本傳累遷
通直散騎常侍聘於東魏文章辭令盛為鄴下
所稱滕上道序使魏在湘東水戰之後又以魏
書考之當在是年集中有將命至鄴詩又有將

命至鄴酬正員詩北齊書云
若房庾信來聘名
未為散騎常侍迎梁使時
書武定三年梁遣
譽甚高魏朝聞而重之按
散騎常侍徐君房通直常
舍人魏使梁際通直常
祖籍魏使信果來聘及梁朝報聘賦
大同二年至十一年東魏來聘及梁朝報聘賦
所謂王歙為和親之侯班超為定遠之使是也
及侯景內附而東魏絕與
東魏通和而侯景反矣

中大同元年 丙寅

夏四月同泰寺災本紀云始天監中沙門釋寶
誌為詩曰昔年三十八今年八十三四月中復有
四城北火醜醜帝使周捨封記之及災帝啓封
見捨手迹為之流涕帝生於甲辰三十八尅建
業之年也遇災歲實丙寅八十三矣四月十四
日寶起火之始遂至喪亂云按武帝天監元年
至明年太清元年凡四十七年是梁朝承平之
世賦云五十年中江表無事是也太清二年遂

太

東子山三晉

六

有侯景之亂矣時信為東宮
學士領建康令年三寸有四

太清元年

丁卯

正月東魏相渤海王高歡薨二月己卯白虹貫

日庚辰東魏司徒侯景求以河南王五行臺承制如

壬午以景為大將軍封河南王五行臺承制如

鄧禹故事賦云漁陽有閭左戌卒離石有將兵

都尉又云飲其瑠璃之酒賞其虎豹之皮是也

三月幸同泰寺設無遮大會上釋御服服法

衣行清淨大捨名曰羯磨帝升光嚴殿講堂坐

師子講金字三慧經捨身羣臣以錢一億萬奉

贖皇帝賦云談劫燼之灰飛辨長星之夜落是

也東魏高澄嗣事為渤海王遣其將慕容紹

宗圍景於長社景急乃求割魯陽長社東荆北

兗請救於西魏方解圍八月諸軍北征以南豫

州刺史蕭明為大都督以大大將軍侯景錄行臺

尚書事十一月慕容紹宗大敗蕭明於寒山野

被俘執是侯景內

附而東魏絕也

太清二年 戊辰

賦云戊辰之年是也 春侯景與慕容紹宗戰

於渦陽景大敗走保壽春河南地復入東魏秋

七月使兼散騎常侍謝班聘於東魏通和八月

戊戌侯景舉兵友是與東魏通和而侯景反也

甲辰使開府儀同三司郤陵王綸都督衆軍

討景冬十月侯景襲譙州進攻陷歷陽已酉

景自橫江濟采石辛亥至建鄴故賦云建亥之

月建鄴梁之所都本故金陵故賦云大盜移國

金陵瓦解及傷心賦所謂二男一女竝得勝衣

臨賀王正德為平北將軍都督京師諸軍屯丹

陽郡正德率衆附賊十二月己未景立蕭正德

為天子於南關前賦云王子名戎姦臣介冑謂

正德也庚辰郤陵王綸等入援進軍胡頭真

賊戰賊敗績賦云鎮北之負譽矜前風颯然

者也十二月丙辰司州刺史柳仲禮前衛州

刺史韋粲等竝帥軍入援推柳仲禮為大都督

卽賦申子是 信時奪三十以賊賦云信年給

太清三年

巳巳

二毛卽逢秦亂是遇亂之年三十有六也
 傳時為東宮學士領建康令侯景作亂簡文命
 信率宮中文武千餘人營於朱雀航北及景至
 敬航始除一船見賊軍皆著鐵面遂棄軍走南
 塘游軍復閉航渡景皇太子以所乘馬授王質
 西便奔景乘勝至關下按退後卽潛跡
 西奔摩王道亭所謂出銜上疏者也

正月柳仲禮帥眾分據南岸賊濟軍於青塘襲
 被韋祭營祭拒戰死賦所謂護軍懷慨忠能死
 節者也庚申白虹貫日三重賦云白虹貫日

二月侯景遣使求和盟於西華門下時景
 奸計既成乃表陳帝失復舉兵向闕時四方征

鎮入援者三十餘萬莫有鬪志自相抄奪而已
 賦云官守無奔問之人于感非平戎之戰又云

晉鄭靡依魯衛不睦謂諸援軍也丁卯賊攻
 陷宮城縱兵大掠巳亥賊矯詔遣石城公大欵

解外援軍庚午侯景自為都督中外諸軍事大

丞相錄行臺事辛未援軍各散四月帝憂
寢疾五月丙辰帝崩於淨居殿時年八十六帝
為景所制御膳亦被裁抑疾久口苦索蜜不得
再曰荷荷遂崩賦云探雀擊而未飽待熊蹯而
詎熟是也辛巳太子即皇帝位立宣城王大器
為皇太子立當陽大心為尋陽郎正簡文即
位以信父肩吾為度支尚書

簡文帝

梁書本紀曰帝諱綱字世績小字六通武帝第三
子昭明太子母弟也天監五年封晉安王大通三
年昭明太子薨立為皇太子太清三年臺城陷皇
太子坐永福省見虞景神色自若無懼容武帝崩
即皇帝位在位二年崩承聖元年
尊為簡文帝廟號太宗葬莊陵

大寶元年

庚午

正月朔大赦改太清四年為大寶元年西魏寇
安陸執司州刺史柳仲禮盡有漢東地按侯景

攻城仲禮開門辱賊至是復屬西魏賦云功業
天在名埋沒矣二月侯景攻下廣陵景逼

帝幸西州夏相東王使將軍王僧辯攻殺河
東王譽譽弟岳陽王詵以雍州入西魏秋七

月賊行臺任約冠江州刺史尋陽王大心以州
降之按梁書及南史庚肩吾傳肩吾為度支尚

書時上流諸蕃竝據州拒侯景景矯詔遣肩吾
諭當陽公太心大心尋舉州降賊肩吾因逃入

東後賊帥宋子仙破會稽購得肩吾欲殺之尋
釋以為建昌令仍問道奔江陵賦云既姦回之

鼻逆終不覺於仁人是也八月湘東王繹遣
領軍將軍王僧辯逼郢州郢陵王綸棄郢州走

王十月乙亥侯景自進位相國封二十郡為漢
大將軍都督六合諸軍事是歲

夏五月丙辰東魏靜帝遜位於齊

大寶二年 辛未

二月郃陵主綸走至參差董城為魏所攻見殺
為王僧辯逼之軍潰散賦云才子併命俱非百

年又云夏口濫達泉之誅是也三月侯景悉
兵西上於大舫跨水築城名曰捍國四月景遣
朱子仙襲陷郢州乘勝西上號二十萬聯旗千
里按本傳臺城陷後信奔江陵時侯景悉兵西
上信方在道途遇景襲郢之兵故賦云吹落葉
之扁舟飄長風於上遊彼鋸牙而鈞爪又循江
而習流閏四月侯景圍巴陵六月乙巳解圍
宵遁秋七月景還至建業按景軍敗信得度郢
州賦云落帆黃鶴之浦藏船鸚鵡之洲蓋江夏
地也又按王僧辯平郢之後湘東王封蕭韶為
長沙王郢州刺史南史梁宗室傳云韶昔為幼
童庾信愛之有斷袖之歡衣食所資皆信所給
遇客韶亦為信傳酒後為郢州信西上江陵途
經江夏韶接信甚薄坐青油幕下引信入宴坐
信別榻有自矜色信稍不堪因酒酣乃徑上韶
床踐蹋肴饌直視韶面謂曰官今日形容大異
近日時賓客滿坐韶甚慙耻知是時信在郢州
年三十九歲八月戊午侯景廢帝為晉安王
幽於永福省害皇太子大器等冬十月王偉等
進觴於帝既醉寢韋雋進上囊王修纂坐主帝

崩於永福省時年四十九偉徹戶扉為棺遷瘞於城北酒庫中賦云車側廓門筋縣廟屋又與諸子大器大心大鈞太球太斯及尋陽王諸子二十人俱見害故云更不遇於浮丘遂無言於師曠以愛子而託人知西陵而誰望皆哀簡文帝也景迎豫章王棟即皇帝位改元天正又矯蕭棟詔禪位偽號太始元年侯景傳云臺城既陷武帝嘗語人曰侯景必為帝但不久耳破侯景字成小人百日天子為帝景以辛未年十一月十九日篡位壬申三月十九日敗得一百二十日而景以三月一日便往姑熟計在宮殿足滿十旬其言竟驗信奔江陵元帝承制除御史中丞賦云悞尸系於御案按王僧辯平郢信至郢州奔江陵當在元月後元帝承制時也庚酒故居賦云誅茅宋玉之宅是也時信父肩吾亦奔江陵歷江州刺史安義陽太守封武康縣侯卒梁書云肩吾逃入建昌久之方得赴江陵未幾卒賦云信生世等於龍門辭親同於河洛用太史公事漢書遷生龍門天子始建漢家

元帝

之封太史公留滯周南不得與從事發憤卒子
遷適友見父於河洛之間按明年元帝即位肩
吾已卒是亦不得與從事也時信適奔江陵始
一見父遂爾遭喪事同河洛至承聖元年十一
月帝即位時已近小祥襲父爵為
武康縣侯明肩吾之卒在是年也

梁書本紀曰帝諱繹字世誠小字七符武帝第七
子也天監十三年封湘東王侯景陷建鄴王仲等
請為大尉都督中外諸軍事不許又請為司空以
主諸侯亦弗聽及簡文帝即位改元大寶帝以簡
文制於賊臣卒不遵用簡文帝崩王僧辯等奉表
勸進帝不許時巨寇尚存帝未欲即位乃重
表明年平景乃即位於江陵在位三年
紹泰元年尊為孝元皇帝廟號世祖

承聖元年

壬申

二月王僧辯眾軍發自尋陽帝馳檄四方驩獲
景及逆者封萬戶開國公絹布五萬疋賦云西

東... 山... 卷...

承聖二年

癸酉

楚霸王劍及繁陽謂元帝討景之師也三月僧
 辯等平景傳首江陵元帝命梟於市三日然後
 煑而漆之以付武庫賦云剖巢燻穴奔騰走魁
 埋長狄於駒門斬蚩尤於中冀燃腹為燈飲頭
 為器狄於駒門斬蚩尤於中冀燃腹為燈飲頭
 蜀年號天正四月乙巳益州刺史武陵王紀僭位於
 州刺史王僧辯為司徒賦云司徒之表裏經綸
 謂僧辯也陳霸先為征北大將軍開府儀
 同三司徐州刺史齊人賀平侯景八月武
 陵王紀率巴蜀之眾東下遣護軍陸法和屯巴
 峽以拒之賦云營軍梁澁蒐乘巴渝十一月
 丙子帝即位於江陵改太清六年為承聖元年
 賦云中宗之夷凶靖亂大雪冤耻去代邸而承
 基遷唐郊而纂祀謂元帝也帝即位信轉右衛
 將軍封武康縣侯加散騎侍郎賦云謬掌衛
 於中軍時年四十一是歲魏廢帝欽元年

正月以吏部尚書王褒為尚書僕射五月里
 申魏大將尉遲迥進兵逼巴西潼州刺史楊乾

連以城納迥巳丑武陵王紀軍至
七月武

陵王紀衆大潰帝命樊猛斬紀
賦云

延之戮是也八月戊戌尉遲迥
平蜀

褒等請徙都建鄴帝不從賦云
既無謀於肉食

非所望於論都九月齊遣郭
元建及將邢杲

遠步陞汗薩東方老帥衆頽
谷肥賦所謂齊交

北絕也

承聖三年 甲戌

賦云窮于甲戌謂承聖三年甲
戌也

廢帝三年春正月始作九命之
典以叙內外官

爵以第一品為九命第九品為
一命改流外品

為九秩亦以九為上人改置州
郡及縣改東雍

為華州北雍為宜州南雍為蔡
州華州為同州

北華為鄜州東秦為隴州南秦
為成州北秦為

南襄為湖州西涼為甘州西郢為鴻州西益為

利州東巴為集州北應為輔州恒州為均州沙

州為深州寧州為麓州義州為巖州新州為温

州江州為沔州西安為鹽州安州為始州并州

為隨州肆州為塘州冀州為順州淮州為純州

楊州為潁州司州為憲州南平為昇州南郢為

歸州青州為眉州凡改州四十六置州一改郡

一百六改縣二百三十集中碑誌歷稱諸州故

備錄於此餘同此例是為恭帝元年魏相安定公

所廢而立齊王廓是為魏使宇文仁恕來聘

即周太祖宇文泰也先是魏使宇文仁恕來聘

齊使又至江陵帝接仁恕有闕魏相安定公憾

焉七月安定公至原州帝遣使請據舊圖以定

疆界又連結于齊言辭悖慢泰曰古人有言天

之所棄誰能與之其蕭繹之謂乎九月乙巳使

柱國萬紐于謹來攻賦所謂秦忠西起也十月

丙寅魏軍至襄陽梁王蕭詧率眾會之賦云雖

借人之外力實蕭牆之內起又云惜天下之一

家遭東內之反氣謂蕭詧也十一月丁亥魏軍

至柵下是日帝猶賦詩不廢戊申胡僧祐朱貫

臣等出戰買臣敗績僧祐中流矢薨賦云鬼火
亂於平林殤魂遊於新市益傷中興之臣戰鬪
而死也辛亥魏軍大攻帝親臨陣督戰軍敗帝
見執如梁王蕭管營甚見詰辱十二月辛未魏
人戕帝賦云中興道銷窮於甲戌卽是年也帝
崩時年四十七愍懷太子元良及始安王方畧
等皆見害賦云撥亂之主忽焉中興之宗不祀
伯兮叔兮同見戮於猶子言皆為蕭管所害也
魏人立蕭管為梁王居江陵城東資以一州
之地其襄陽所統盡歸於周賦云以鶉首而賜
秦天何為而此醉江陵陷汝南王大封尚書
左僕射王褒以下竝為俘以歸長安乃選百姓
皇男女數萬口分為奴婢小弱者皆殺之本傳聘
於東魏屬大軍南討遂留長安是江陵未陷之
先信已至長安賦云提挈老幼關河累年滕王
道序攜老入關蒸蒸色養然子山出聘不得老
幼竝攜明是江陵獻俘之日信本江陵名士特
為太祖所知推恩禮送故信老幼皆在長安又
小園賦云薄晚聞闈老幼相攜蓬頭王霸之子
椎髻梁鴻之妻江陵陷信仕西魏拜使持節

撫軍將軍右金紫光祿大夫都督尋
車騎大將軍儀同三司時年四十一

敬帝

梁書本紀曰帝諱方智字慧相小字法真世祖第九子也承聖三年十一月江陵陷王僧辯陳霸先以帝為太宰承制奉迎還京師四年七月以帝為皇太子九月即帝位改元泰紹在位三年遜位於陳帝為江陰王薨於外邸時年十六追諡敬皇帝

泰紹元年

乙亥

即承聖四年也三月齊送貞陽侯蕭明來生梁嗣至東關遣吳興太守裴之橫拒之七月僧辯納貞陽侯蕭明入建鄴即位年號天成以帝為皇太子司空陳霸先襲殺王僧辯黜蕭明而奉帝焉賦云南陽較書去之已遠上蔡伏獵知之何晚擬連珠云劉琨之英畧莫知自免皆傷僧辯也九月丙午帝即位十月巴已大赦改元壬子加司空陳霸先尚書令都督中外諸軍

事震州

太平元年

丙子

九月大赦改元司徒陳霸先進位丞相錄尚書

事是歲魏恭帝三年春魏依周禮立六官

十月乙亥魏相安定公宇文泰薨遺令兄子護

輔世子覺以為政聖帝詔以岐陽之地封覺為

周公十一月庚子即位即制孝閔帝是也周閔

帝踐阼信封臨清縣子邑五百戶除司亦下大

太平二年

丁丑

冬十月辛未帝遜位於陳陳受命奉帝為茂陰
王改為永定元年賊云有媽之後將育於姜榆

我神器居為讓主文云用無獲之子弟舉江東
而全棄謂陳霸先也按建鄴既非梁有信遂無
所可歸擬連珠云烏江艤檝知無路可歸白雁
抱書定無家可寄雖極思念鄉關實無歸陳之
志矣是歲周閔帝元年及九月周家寧字
文護殺閔帝而奉明帝又為明帝元年

周明帝

周書本紀曰帝諱毓小名統萬突太祖長子也大
統十四年封寧都郡公孝閔帝踐阼進位柱國岐
州刺史及閔帝廢晉公護遣使迎帝於岐州九月
癸亥即天王位在位四年崩諡曰明廟號世宗

二年

戊寅

明帝即位之二年也正月乙未以大家宰晉
公護為太師是月梁故觀寧侯蕭永卒信著

太

也一舊銘銘云歲在攝提星居監德知是年正月
也一作鶉首在是年五月

陝州正平置絳州宜陽置熊州北置虞州弘農置
十二郡又於河東置蒲州河

弘農置州刺史為雍州牧京兆郡守其治也三月
改雍州刺史為雍州牧京兆郡守為京兆尹以
廣業修城二郡置康州葭蘆郡置文州天六月
戊子大雨霖詔公卿大夫士爰及牧守黎庶等
各上封事讜言極諫無有所諱分長安
為萬年縣並治京城是歲陳朱定二年

武成元年

己卯

明帝改天王稱皇帝復建年號曰武成正月
已酉太師晉公護上表歸政帝始親覽萬機軍
旅之事護猶總焉祀閔帝歌辭云升輿芒刺動
入位據關寒謂晉公護也初收都督諸州軍
事為總管三月癸巳陳太軍安城公憲為益
太白於東方八月以太將軍安城公憲為益
州總管九月憲為齊國公大將軍天木公廣
為梁州總管正平公格為趙國公格好屬文
學庾信體詞多輕艷皇弟俊為燕國公
為滕國公天木公廣為蔡國公
奚武為鄭國公武陽
公豆盧寧為楚國公

東二山年譜

武成二年

庚辰

正月癸丑朔大會羣臣於紫極殿始用百歲為
 本傳遷驃騎大將軍開府儀同三司司憲中大
 夫進爵義城縣侯滕王道序云夫為司憲中大
 夫嘗正旦賦詩云去其正事之中優游如此集
 中有正旦上司憲府詩未詳何年正旦按予山
 出守弘農例必三年報最是歲為麟趾學士得
 預校書當在入為司憲之後故附錄於此北史
 庾季才傳云武成二年與庾信王褒竝為麟趾
 學士集中有預麟趾殿校書和劉儀同二月
 雙白鶴飛集上林園大將鄭倬布弋設罝竝皆
 禽獲信作鶴讚序稱武成二年春二月天子愍
 焉信奏事階堦立使為讚知信時在長安為司
 憲中大夫時也三月辛酉重陽閣成會羣公
 列將卿大夫及突厥使者於芳林園賜錢帛各
 有差夏四月帝因食遇毒遂崩集中和宇文內
 史入重陽閣悼明帝也
 是歲陳文帝天嘉元

武帝

周書本紀曰帝諱邕字禰羅突太祖第四子也母曰吒奴太后大統九年生於同州孝閔踐阼拜大將軍出鎮同州世宗即位進柱國蒲州刺史武成元年封魯公領宗師二年世宗崩遺詔傳位於帝在位七年崩諡高祖

保定元年

辛巳

正月以大夫冢宰晉國公護為都督中外諸軍事令五府總於天宮庚戌祠圓丘壬子祠方丘甲寅祠感生帝於南郊乙卯祠太社按後周憲章周禮圓丘宜在冬至方丘宜在夏至南郊祠感生帝宜在正月上辛今並在正月未洽古制時帝即位未久雖行周禮未臻雅正天和元年初造山雲舞以備六代至建德三年樂成始有可觀隋志後周圓丘及南郊並正月上辛此用庚戌甲寅時武帝初立其制未足憑也巳巳祠太廟班太祖所述六官焉景子大射於正

武殿賜百官各有差
二月于洗陽置洮州

甲午朝日於東郊
按是年為辛巳馬射賦云

歲在昭陽蓋辛年也
三月三日華林園馬射疑

在是年無歲支周史不載
難以詳攷武帝時

惟是年辛巳及天和四年
辛卯有兩辛年是年

武帝初立正月大射於正
武殿是月景寅改入

丁兵為十二丁兵時方示
武之日華林馬射在

是年者為長史或缺文也
五月景午封皇子

贊為魯國公晉公護獲玉
斗以獻集中有為

晉陽公進玉律秤尺升斗
表六月乙酉遣治

御正殷不害等使于陳本
傳南北通好之時惟

放王克殷不害等即是人
也十一月陳遣使

來聘是月齊孝昭帝薨弟
長廣王湛代立是為武成帝

保定二年 壬午

正月丁未以陳主弟頊為
柱國送還江南按陳

尚書周弘正自周還弘正
以陳天嘉元年往長

安迎宣帝明帝之武成二
年也天嘉三年自周

還武帝之保定二年也集
中有別周尚書弘正

詩又有送周尚書弘正二首重別周尚書二首
 皆是時作閏月己丑詔柱國以下帥都督以
 上母妻授太夫人夫人郡君縣君各有差集中
 譙國夫人步陞孤氏以下諸篇稱夫人郡君縣
 君皆此例矣其二月癸丑以久不雨降宥罪人
 京城三十里內禁酒梁主蕭詵薨以伏流
 軍蔡國公廣為秦州總管四月己未於伏流
 城置和州六月己亥以柱國蜀國公尉遲迥
 為大司馬分山南荊州安州襄州江陵為四州
 總管七月晉國公命鑿石關之谷信著終南
 山義谷銘銘序曰周保定二年歲次壬午七月
 云云九月陳遣使來聘十月辛亥帝御大
 武殿大射公卿列將皆會戊午講武於少陵原
 分南寧州置恭州集中有從駕觀講武詩十
 一月丁卯以大將軍趙國公招為柱國又以招
 為益州總管集中益州上柱國趙王二首奉
 報趙王出師在道賜詩和趙王送峽
 中軍和趙王途中五韻皆是時作

保定三年

癸未

庚子山年

七

正月辛未陔光遷國為遷州壬辰乞銀城置銀
州四月乙未以柱國鄭國公達奚武為太保

按公夫人即鄭氏見墓誌壬戌詔百官及民
庶上封事極言得失五月甲子朔避正寢不受

朝旱故也甲戌雨七月庚午陳遣使來聘
九月巳丑初令世襲州郡縣者改為五等爵州

封伯郡封子縣封男十月乙巳以開府杞
國公亮為梁州總管庚戌陳遣使來聘

保定四年

甲申

五月丁亥改禮部為司宗大司禮為禮部大司
樂為樂部按信後為司宗中大夫之職司宗大

夫即古宗伯禮官後周依周禮建六官故改禮
部為司宗矣六月庚寅改御伯為納言

月丁亥以柱國齊公憲為雍州牧九月若干
鳳為徐國公集中有侍從徐國公殿下軍行人

陳遣使來聘閏月巳亥以大將軍長孫儉為
柱國十月癸亥大將軍陸通蔡國公廣竝為

柱國通即譙國夫人步陸氏之父也甲子詔
大將軍大冢宰晉國公護率軍伐齊總大軍出

潼關賀婁公碑文云大家宰任總機衡是勤王
畧是也公十一月甲午柱國蜀國公尉遲迥率
師圍洛陽柱國齊國公憲營於邙山晉公護次
於陝州齊王憲碑文云保定四年與大司馬蜀
國公圍金墉城師臨洛浦則廣武營奔兵上邙
山則河橋路斷是也十二月壬戌齊師渡河晨
至洛陽諸軍驚散至夜引還賀婁公碑文云中
途甚雨朱獲圍原軍師聞喪不成侵朱亦言是
戰無功矣

保定五年

乙酉

正月庚子令荊州安州江陵等總管或隸襄州
總管府以柱國大司空衛國公直為襄州總管
二月詔陳國公純等如突厥逆女辛威碑文
云被使領命出西涼州奉迎突厥皇后又宇文
廣墓誌云奉詔向其州迎皇堯四月齊武成
月戊子柱國楚國公豆盧寧薨
禪位於其太子緯自稱太上皇帝六月辛未
詔曰江陵人年六十五以上為官奴婢者已令

天和元年

丙戌

放免其公私奴婢有年至七十以外者所在官
 司宜贖為庶人十月辛亥改函谷關城為通
 洛防是月庚申柱國楚國公岐州刺史慕容
 寧葬信著碑文十一月丁未陳遣使來聘
 周冠軍公夫人烏石蘭
 氏以是年葬信作墓誌

正月辛巳露寢成幸之令羣臣賦古詩京邑耆
 老竝預會焉頒賜各有差矣未大赦改元百官

普加四級丁未於宕昌置宕州以柱國昌
 寧公長孫儉為陝州總管遣小載師杜果使

於陳二月戊申以開府中山公訓為蒲州總
 管集中就蒲州使君乞酒蒲州刺史中山公許

乞酒一車未送即是人也二月六日周隴右
 總管長史豆盧永恩葬信著碑文三月景午

祠南郊四月陳文帝薨子伯宗嗣立是為天
 康元年五月庚辰帝御正武殿集羣臣親講

禮記吐谷渾龍涸王莫昌率戶內附以其地為
 扶州六月景午以大將軍庖罕公辛威為桂

州刺史

州刺史

州刺史

州刺史

州刺史

州刺史

天 國 九 月 乙 亥 信 州 蠻 冉 令 賢 向 五 子 王 反 詔
開 府 陸 騰 討 平 之 十 月 甲 子 初 造 山 雲 舞 以
備 六 代 之 樂

天 和 二 年 丁 亥

正 月 丁 亥 初 立 郊 丘 壇 墼 制 度 其 制 注 詳 第 六
卷 歌 辭 四 月 乙 巳 省 東 南 諸 州 以 潁 州 歸 州
瀨 州 均 州 入 唐 州 油 州 入 純 州 鴻 州 入 淮 州 洞
州 入 湖 州 睢 州 入 襄 州 憲 州 入 昌 州 六 月 辛
亥 尊 所 生 毋 叱 奴 氏 為 皇 太 后 戊 寅 陳 湘 州 刺
史 華 皎 率 衆 來 附 遣 襄 州 總 管 衛 國 公 直 等 將
兵 援 之 因 而 南 伐 集 中 有 送 衛 王 南 征 詩 壬
辰 以 大 將 軍 譙 國 公 儉 為 柱 國 九 月 衛 國 公
直 等 與 陳 將 淳 于 量 吳 明 徹 戰 於 沌 口 王 師 失
利 元 定 以 步 騎 數 千 先 度 遂 殺 江 南 是 歲 陳 廢
帝 光 太 元 年

天 和 三 年 戊 子

東 晉 山 三 卷

六

正月辛丑祠南郊按南郊用正月上辛此時始

正所謂夏正郊天祀咸精帝靈威仰之神也後

周以始祖獻莫那配之如古后稷配天之義

禘其祖之所自出以其祖配之者也注詳第六

卷歌辭三月癸卯皇后阿史那氏至自突厥

甲寅以蔡國公廣為陝州總管是月二十

日周太傅鄭國公夫人鄭氏薨於某月葬信作

墓誌四月辛巳齊國公憲為大司馬五月

庚戌祠太廟八月齊請和親遣使來聘詔軍

司馬陸逞兵部尹公正報聘焉步陸碑云齊國

通和封人受使以公有出境之才見命張廬之

禮是其事也癸酉帝御大德殿集百寮及沙

門道士等親講禮記十月癸亥祠太廟十

一月陳安成王頊廢其生伯宗而自立是為宣

齊武帝十二月

天和四年

已丑

正月辛卯遣司會河陽公李綸等會葬於齊仍
手賻焉集中有司會河陽公新造山池寓目詩

河陽公卽綸也 二月八日周大都會楊林伯
長孫瑕夫人羅氏薨以某年葬信作墓誌 二

月癸亥以柱國昌寧公長孫儉為夏州總管
戊辰帝御大德殿集百寮道士沙門等討論釋

老義集中有奉和闡弘二教應詔詩 三月二
十日後魏驃騎將軍荊州刺史賀拔夫人元氏

葬信作墓誌 四月齊遣使來聘 二十七日信
代陝西總管作移齊河陽執事文 五月巳丑

帝制象經成集百僚講說集中有象戲賦進象
經賦表 六月築原州及涇州東城 八月庚

辰盜殺孔城防主以其地入齊 九月辛卯遣
柱國齊國公憲率眾於宜陽築崇德等城 十

一月十日復作移齊河陽執事文 是月辛亥
柱國昌寧公長孫儉薨以某年葬信作碑文

是歲陳宣帝
太建元年

天和五年

庚寅

七月以柱國譙國公儉為益州總管 十月周
驍騎大將暉開府侯莫陳道生葬信作墓誌銘

十一月五日周柱國大將軍大都督同州刺史
 史爾綿永葬有碑文是月梁故鄧州刺史周
 大將軍義興公蕭世拾葬信作墓誌銘
 月平越嶺置西寧州是冬齊將斛律明月寇
 邊於汾北築城自
 華谷至於龍門

天和六年

辛卯

正月詔柱國齊國公憲率師禦斛律明月
 弘為柱國三月齊國公憲自龍門度河斛律
 明月退保華谷憲攻拔其新築五城申午大
 將軍杞國公亮為秦州總管庚子鴈門公田
 弘率師取齊宜陽等九城太安公閻慶南陽
 公叱羅協等並為柱國按慶即集中抗表致仕
 者也協即長孫夫人羅氏之父五月景辰中
 山公訓為柱國按訓晉公護世子為蒲州刺史
 至建德元年從蒲州徵赴京師子山就蒲州使
 君乞酒許乞酒一車未送者也六月周大將
 軍趙公宇文廣葬信著墓誌銘八月癸酉省
 掖庭巨樂後宮羅綺工人五百餘人

日隴東郡公侯莫陳君夫人竇氏葬信作墓誌銘十一月六日周大將軍襄城公鄭偉葬信

作墓誌銘是月十六日周安昌公夫人鄭氏葬信作墓誌又大將軍嘉公卿葬信作

墓誌銘稱天和某年附錄同虛記室從軍詩

建德元年 壬辰

春正月帝幸玄都觀親御法座講說公卿道俗論難事畢還宮集中有奉和法筵應詔詩

月趙國公夫人紇豆陵氏葬信作墓誌稱天和七年三月景辰誅大冢宰晉國公護

亥以太傅蜀國公尉遲迥為太師松滋公夫人尉遲氏墓誌云父太師柱國公是也柱國鄧

國公竇熾為太傅按熾為趙國夫人紇賣陵氏之父見墓誌齊國公憲為大冢宰碑文云建

德元年進爵為王仍拜大冢宰是也柱國抱

宰公辛威為大司寇碑文作天和元年為異四月甲戌以滕國公迥為柱國詔荊州安州江陵壽總管停隸襄州決演追尊署陽公為孝

建德二年

癸巳

閏皇帝 癸巳立魯國公贊為皇太子 五月

壬戌帝以大旱集百官於庭詔求直言公卿各

引咎自責其夜澍雨 八月十一日周大將軍

司馬裔葬信著碑文又作墓誌銘 十月庚午

詔江陵所獲俘虜充官口者悉免為民 子

月二十二日譙國夫人步陸孤氏葬信作墓誌

春正月辛丑祠南郊 乙巳以柱國鳳門公由

弘為大司空碑文作元年 大將軍徐國公若

于鳳為柱國集州侍從徐國公殿下軍行即若

于鳳也 乙卯祠太廟 是月周柱國大將軍

大都督同州刺史爾綿永夫人赫連氏合葬信

著碑文 閏月巳巳陳遣使未聘 二月二十

三日周車騎大將軍贈小司空宇文顯葬信作

墓誌銘 是月省雍州內八郡併入京兆馮翊

扶風咸陽等郡 三月癸巳省六府諸司中大

夫以下官府置四司以下大夫為之官長上士

貳之 夏四月巳亥祠太廟 五月十一日周

太子少保陸逞薨以明年正月葬信著步陸碑

文六月庚子省六府員外諸官皆為丞秋七月

月巳巳祠太廟自春未雨至於月主申集

百寮於大德殿帝責作巳問以治政得失戊

子雨入九月乙丑陳遣來巳問以治政得失戊

齊遣使來聘甲辰六代樂成帝御崇信殿集

百官以觀之按天和元年冬十月癸卯

雲舞以備六代之樂三是乃成武帝造山雲舞

其辭多出於子山之樂手集中郊廟燕社歌是也

其圓丘方澤五帝歌辭采入隋志冬陳拔壽

陽斬王琳按王琳不受陳命實梁室之忠臣事

敗為吳明徹所殺子山嘗寄詩云獨下千行淚

開君萬里書其見重如此周次將軍闕慶以

是年抗表致仕集中有

為閻大將軍乞致仕表

建德三年

甲午

正月壬戌冊在國齊國公憲衛國公直趙國公

招譙國公儉滕國公道並進爵為王巳巳祠

太廟三月癸酉皇太后叱奴氏崩帝居倚廬

朝夕共一益米群臣表請累旬乃止詔皇太子

朝夕共一益米群臣表請累旬乃止詔皇太子

贊總蠶庶陵帝徒跪至陵所辛酉詔行三年之喪縗麻之

節苦廬之禮率遵前典以申罔極公卿上表固

請俯就權制過葬即吉帝不許引古禮答之群

臣乃止於是遂申三年之制五服之內亦令依

禮按後周憲章周禮復行三年之喪其制最為

盡善此奴氏有廟集中有獻文宣皇太后歌辭

卽詩集盧元室也重戎辰雍州獻蒼烏集中有

齊王進蒼烏表時齊王為雍州牧矣下是月十

五日周儀同松滋公夫夫尉遲氏葬信作墓誌

其十一月戊午以往國次司空上庸公陸騰為

涇州總管

建德四年

乙未

正月戊辰以柱國拖罕公辛威為寧州總管碑

文云授寧州總管都督七州諸軍事即為河州

大中正月二十四日周大將軍崔說墓誌

著碑文

三月景辰遣小司寇淮南公元偉等

著碑文

使於齊按是秋高祖親戎東討偉遂為齊人所
執至六年齊卒偉方見釋集中有贈司寇淮南
公詩和淮南公聽琴聞弦斷淮南公即元偉也
申戊以柱國趙王招為雍州牧是月周車
騎大將軍張慈葬信著賀妻公碑文四月
十五日周柱國大將軍紇于弘葬信著碑文紇
于弘即田弘也七月下詔伐齊趙王招為後
主軍總管答趙王啟云張幕全韓連營上地是
也時趙王為雍州牧齊王憲率眾二萬趣黎
陽王午上親率六軍眾六萬直指河陰八月
丁未拔之進攻子城未克生有疾還降拔三十
餘城皆棄而不守是月周驃騎大將軍冠軍
伯柴烈李夫人葬信作墓誌閏十月以柱國
齊王憲為上柱國信時為洛州刺史為政清
淨吏人安之時陳氏通好南北疏寓之士各許
還其舊國陳氏乃請王褒及信等十數人高祖
惟放王克殿不害等信友褒並留而不還按南
史殿不害傳太建七年自周還陳是歲陳太建
七年陳氏請褒及信周朝惜而不遣即是年也
時奪太子有西

建德五年

丙申

二月辛酉遣皇太子越巡撫西土移討吐谷渾
 戎事節度並宜隨機專決三月壬寅至自尚州
 文宣皇后服再葺戎申祥集中移虜留使文入
 境以來國祥甫邇按武帝服三月祥二月太子
 巡撫西土知虜謂吐谷渾渾主遣使入境以來
 國祥甫邇也六月辛亥祠太廟九月巳酉
 帝總戎癸亥帝至晉州遣齊主憲率精騎二萬
 守雀鼠谷齊王碑文云又加王精兵六萬長圍
 晉州白爾即為前鋒橫行入鄴是也齊眾潰
 遂克晉州齊主留安德王延宗守晉陽而奔鄴
 延宗自稱帝
 遂攻拔之

建德六年

丁酉

正月乙亥齊王傳位於其太子恒改元承光自
 號為太上皇壬辰帝臣鄴齊王先於城外掘塹
 豎柵癸巳帝率諸軍唐之齊人拒守諸軍奮擊
 大破之遂平鄴集中有奉和平鄴應詔詩賀平

鄴都表表云蒞政東藩不獲躬到闕庭遣主簿
陪臣曹敏奉表以聞是信時為洛州刺史在洛
州為長安之東故云東藩是月遣吐谷渾使
信作移虜留使文按移文云某入境以來國祥
甫邇自秋迄冬未申欵接又云時當獻歲惟新
三元告慶陽和既動澤漸萬邦便當遣使相隨
承敦隣睦故移知渾王遣使在建德五年二月
留至是年正月發遣歸國故作移文也六月
癸亥於河州雞鳴防置旭州甘松防置芳州廣
川防置弘州七月景戊行幸洛州已丑詔山
東諸州舉有才望者赴行在所共論政事得失
信時為洛州刺史有奉報寄洛州詩尋徵為
司宗中大夫十一月稽胡反遣齊王憲率軍
討平之齊王碑文亦序其事
江陵良人沒為奴婢者並宜
放免所在附籍一同民伍

宣政元年

戊戌

正月壬午行幸鄴宮分湘州廣平郡置洛州滹
河郡置貝州黎陽郡置黎州汲郡置衛州分定

州常山郡置恒州分并州上黨郡置潞州辛卯
 行幸懷州癸巳幸洛州詔於懷州置宮三月
 戊午於蒲州置宮廢同州及長春二宮大將軍
 王軌破陳師於呂梁擒其將吳明徽等俘斬三
 萬餘人明徽誌銘亦稱其事周封徽為懷德郡
 公六月丁酉帝崩甲子誅上柱國齊王憲
 碑文云二十八日齊王憲薨

宣帝

周書本紀曰帝諱贊字乾伯高祖長子也建德元
 年立為皇太子宣政元年六月高祖崩即皇帝位
 在位二年傳位於太子衍自稱為天元皇帝大象二年崩諡曰宣墓定陵

大象元年

巳亥

按滕王道序歲在屠維龍居淵獻春秋六十有
 七知是年巳亥子山年六十七也正月癸巳
 改元大成癸卯封皇子衍為魯王戊午立魯
 王衍為皇太子二月辛巳傳位於皇太子衍改

大成元年為大象元年帝於是自稱天元皇帝
所居稱天臺冕有二十四旒車服旗鼓皆以二
十四為節皇帝衍稱正陽宮集中有賀傳位於
皇太子表四月乙巳祠太廟五月辛亥以
洛州襄國郡為趙國以荊州新野郡為滕國令
趙王招滕王道等並之國按滕王以是年撰庚
開府集二十卷在新野製序寄至長安子山作
啟謝之遙寄於彼故行云至鄴可期從梁有日
云魚腸尺素鴈足數行書此謝辭終知不
盡皆遙寄之文也是年信以疾去職

大象二年

庚子

西月巳巳祠太廟巳卯詔死罪並降從流
罪從徒五歲刑巳下悉皆原宥壬午幸中山祈
雨至咸陽宮雨降按集中有喜晴應詔詩同顏
大夫初晴和趙王喜雨和李司錄喜雨諸篇自
明帝二年保定三年建德元年二年並有祈雨
喜雨之事子山諸詩以英華類聚一處未詳何
年所作故備錄焉五月乙未宣帝寢疾詔臨
國公楊堅入侍尋未追趙陳越代滕五王入朝

己酉帝崩矯制陝國公堅受遺輔政七月丁
 未隋公楊堅為都督內外諸軍事趙王招以謀
 執政被誅是月二十八日陳將吳明徹卒於
 長安李八月十九日寄葬京兆信作墓誌八
 月丁未封上柱國枹罕公辛威為宿國公移相
 州於安陽分相州陽平郡置毛州昌黎郡置
 魏州九月辛丑分瀋州管內新遂普合及瀘
 州管內瀘戎六州並隸信州總管府王子隋
 公楊堅為大丞相尋加大冢宰五府總於天官
 十一月十日周兗州刺史廣饒公鄭常墓常
 賜姓宇文集中有宇文公神道碑又著鄭常墓
 誌銘十二月甲子大丞相隋國公揚堅進爵
 為王以十郡為國丁未
 滕王迺以謀執政被誅

靜帝

周書本紀曰帝諱衍後改為闡宣帝長子也大象
 元年正月封魯王立為皇太子二月宣帝於鄴宮
 傳位授命居正陽宮二年宣帝崩帝入居天臺廢
 正陽宮大定元年二月禪位於隋五月壬申崩諡

恭陵

大定元年

辛丑

隋開皇元年

正月壬午改太象三年為大定元年二月庚申隋王楊堅為相國總百揆備九錫之禮甲子隋王楊堅稱尊號改為開皇元年按北史隋開皇元年庚信卒滕王序已亥為六十七歲知子山卒時年六十九歲也又按辛威碑文開皇元年七月某日反葬河州碑銘猶出信手子山之歿當在秋冬矣

璠按庾子山以梁武帝天監十二年癸巳某月日生大通元年丁未十有五歲侍梁東宮講讀起家湘東王國常侍轉安南府叅軍中大通三年辛亥年十九

庚子山王璠

三

歲晉安王爲皇太子與父肩吾及東海徐摛摛子陵
竝爲抄撰學士宮中號徐庾體大同六年壬戌三十
歲爲郢州別駕時安城郡人劉敬躬反信與湘東王
論中流水戰事深爲武帝所賞遂擒敬躬斬之都市
大同十一年乙丑三十三歲爲通直散騎常侍與徐
君房聘于東魏中大同元年丙寅三十四歲爲東宮
學士領建康令太清二年戊辰年三十有六遇侯景
之亂簡文帝命以本官率宮中文武千人營朱雀航
北景至以衆先退遂爾西奔至大寶三年辛未三十
九歲夏四月途遇侯景襲郢之兵潛跡江夏景退至

郢州時刺史蕭韶

信有斷袖之歡信至

接信甚薄是年秋奔江陵元帝承制除御史中丞遂
遭父喪時年四十承聖元年壬申四十一歲轉右衛
將軍襲爵武康縣侯加散騎常侍承聖三年甲戌四
十二歲聘于西魏屬大軍南討遂留長安是年魏師
來伐岳陽王率衆會之江陵陷魏人戕帝立蕭詧爲
梁王都江陵獻俘長安信爲魏相安定公所知其老
幼入關特蒙禮送由是烝烝色養矣卽以是年仕魏
拜持節撫軍將軍右金紫光祿大夫都督尋進車騎
大將軍儀同三司敬帝太平元年魏恭帝之三年也

魏禪周二年梁亦禪陳於是陳氏王江表矣周孝閔
帝踐阼時年四十有五封臨清縣子邑五百戶除司
水下大夫出爲弘農守遷驃騎大將軍開府儀同三
司司憲中大夫進爵義城縣侯周閔帝卽世明帝立
帝好文學深加優禮武成二年四十七歲與王褒庾
季才等並爲麟趾學士得預校書俄拜洛州刺史明
帝崩武帝立亦復好之如明帝焉建德四年陳之太
監七年也南北通好陳氏乃請王褒及信十數人高
祖惟放王克殷不害等信及褒並惜而不遣時年已
六十四矣建德六年猶治洛州尋徵爲司宗中大夫

宣帝大象元年己亥六十七歲以疾去職是年滕王道撰集二十卷靜帝大定元年卽隋開皇元年辛丑六十有九卒自梁武帝天監十二年至隋開皇元年凡六十九年謹纂年譜四十五歲敬帝太平二年以上梁未亡時皆取南朝正朔每年附錄東西二魏及岳陽西附江陵立故主之仇陳氏南遷建鄴蹈讓王之轍子山旣餐周粟此二十三年用後周年號未附梁陳二主猶魏志也信仕周位望通顯凡歷二十八
年以壽終信事母以孝聞惟事母憂未詳何年其孝情毀至曾爲晉公所嘆當在護誅之前建德以上事

也餘備列年譜南北二史凡于子山集中有相發明者亦兼及之昔漢有二帝魏稱三祖宋之異代且曰才難信在江南則有梁武帝之子簡文元帝及過江北則有周太祖二子世宗高祖竝新情艷發雅辭雲委又得滕趙諸王周旋欵至皆一時之俊君臣酬唱之際文人遇合可謂至矣

庾氏世系圖

錢唐倪璠魯玉編

南陽新野人從晉元
帝過江官至散騎常
侍領大著作封遂昌
縣侯因家於南郡江
陵信之八世祖也哀
江南賦云彼凌江而
建國始播遷於吾祖
分南陽而賜田裂東
嶽而胙土誅茅朱王
之宅穿徑臨江之府
蓋謂滔也又滔之來
孫詵字寶彥梁處士
與宗人易齊名號止
符先生詵生曼倩光
祿卿曼倩生季才字
叔奕江陵陷與庾信

庾滔

某
未詳
某
未詳
致
巴郡太守

庚氏世系圖

王褒隨例入關周文
 深加優禮武定二年
 與庾信王褒同補麟
 趾學士酒之予孫惟
 信六世七世祖及季
 本曾祖以上未詳茲
 滕王道序及北史藝
 術傳習於信與季才
 皆八世祖也

道驥
安西易
齊徵

於陵
字子介除鴻卿領荆

黔婁
字子貞在梁

肩吾
字慎之一曰

史...

信

本傳
載後

璠曰昔者掌庾命氏在于唐時陽陵著姓盛于晉代
入南陽取樊氏之陂遷江陵居宋玉之宅遂昌而下
載在史籍可得稱焉若夫土行先生既與徵士齊名
子山入關已後又與叔奕竝校書麟趾於滔凡歷八
世兩人祖孫行跡略同矣黔婁兄弟清節文章孝友
肩吾瓌文特爲於陵友愛又有良子文藝自過此小
庾風流所以跨踰南北者也

虞夏商周系圖

虞夏商周系圖

虞夏商周系圖

虞夏商周系圖

虞夏商周系圖

虞夏商周系圖

虞夏商周系圖

虞夏商周系圖

虞夏商周系圖

庾信本傳

出北史李延壽撰

錢唐倪璠魯玉註釋

庾信字子山南陽新野人祖易

周書本傳云齊徵士

父肩吾

周書

云梁散騎常侍中書令

竝南史有傳

注見滕王序

信幼而俊邁聰敏

絕人倫博覽羣書尤善春秋左氏傳身長八尺腰帶

十圍容止頽然有過人者

周書此下云起家湘東國常侍轉安南府參軍時肩

吾為梁太子中庶子掌管記云云

父肩吾為

梁太子中庶子掌管記

東海徐摛為右衛率摛子及信竝為抄撰學士父子

東宮出入禁闥恩禮莫與比隆既文竝綺豔故世號

徐庾體焉

南史曰徐摛字士秀東海剡人也晉安王綱入為皇太子轉家令兼管記尋帶領直

東言大專

摛文體既別春坊盡學之宮置學士陵充其選北史
字孝穆王立為皇太子東宮兼其意淺而繁其文匿
文苑傳曰徐陵庾信分路揚甲子曰徐陵庾信古之
而采辭尚輕險情多哀思文
夸入也其文誕按徐庾並稱蓋子山江南少作宮體
之文也及至江北而庾進矣是以輕險之目楚既失
之夸誕之評
齊未為得
當時後進競相模範每有一文都下莫

不傳誦累遷通直散騎常侍

郎中通直正員郎出為

鄂州別駕尋遷聘於東魏文章辭令盛為鄴下所稱

郎中通直正員郎出為

梁大通六年魏武帝永熙三年魏武帝西都長安為

西魏高歡別奉清河王庶子善見為主徙都鄴是為

東魏魏於是始分為兩隋書地志曰魏郡鄴縣東魏

所都按子山聘魏南史紀年關文考魏齊諸書

子山副徐君房將命至鄴魏令祖孝隱盧孔景等宴

梁使故集中有將命至鄴酬祖正員詩祖正員即祖

孝隱也及魏使尉瑾魏肇師來聘梁朝又令庾信徐

若房同宴魏使其文章辭令皆足稱也北齊書祖廷

傳云莛弟孝隱魏末為散騎常侍迎梁使時徐君房
 庾信來聘名譽甚高魏朝聞而重之接對者多取一
 時之秀盧孔景之徒並降階攝職更遞司賓西陽雜
 俎云梁徐君房勸魏使尉瑾酒一喻即盡笑曰奇快
 瑾曰卿在鄴飲酒未嘗傾卮武州已來舉無遺滴君
 房曰我飲實少亦是習慣微學其進非有由然庾信
 曰庶子年之高卑酒之多少與時升降使不可得而
 度魏肇師曰徐君年隨情少酒因境多未知方寸復
 作若為重輕又云梁宴魏使魏肇師舉酒勸陳昭曰
 此席已後便與卿少時阻闕念此甚以接眷昭曰我
 欽仰名賢亦何已也略中都房飲不盡屬肇師肇師
 如何俄而酒至鸚鵡杯徐君獨為玩好亦所以罰卿
 曰海蠡螭尾翅皆張非獨為玩好亦所以罰卿
 今日真不得辭責信曰庶子好為術數遂命更滿君
 房謂信曰相持何乃急肇師曰直道而行乃非
 豆萁之喻君房乃覆枕信謂瑾肇師曰適信家餉致
 濡醪酒數器泥封全但不知其味若為必不敢先嘗
 謹當奉薦肇師曰每有珍藏多相費累顧更以多
 又曰庾信作詩用西京雜記事旋自追改曰此吳均
 語恐不足用也魏肇師曰古事託曲者多矣然鸚鵡

賦禰衡潘尼二集並載奕賦曹植左思之言正同字

人用意何至於此君房曰詞人自是好相採取一字

不異良是後人莫辯魏尉謹曰九錫或稱王祭六代

亦言曹植信曰我江南才士今日亦無舉世所推如

溫子昇獨擅鄴下常見其詞筆亦足稱是遠名近得

魏收數卷碑製作富逸特是高才也按于山為通直

散騎常侍聘魏及其還為正員郎魏人還滕道序云還

來聘對宴魏使其文章辭令如此郡建康縣侯景作亂梁簡

郎為東宮學士領建康令

文帝命信率宮中文武千餘人營於朱雀航及景至

信以眾先退南史賊臣傳曰侯景魏之懷湖鎮人也

景以眾降稍至吏部尚書歡使擁兵十萬專制河南

仗任若巴之半體太清元年二月遣其行臺郎中丁

和上表求降帝封景河南王大將軍使持節督河南

北軍事大行臺承制如鄧禹故事二年八月景遂發

兵反建康令庾信率兵于餘人屯航北及景至徹航

始除一船見賊軍皆著鐵而遂棄軍走南塘游軍復

開解度景皇太子以所乘馬授王質配精兵二千使
援庾信質至領軍府與城遇未陣便奔景乘勝至闕

下臺城陷後信奔於江陵臺城本吳後苑城晉建康
宮城江陵漢南郡江陵是

梁元帝承制除御史中丞及卽位轉右衛將軍封武

康縣侯加散騎侍郎周書作聘於西魏於我以其為

一代耑史也今以子山之志錄是篇若春秋鄭志宋志矣 故屬大軍南討遂留長

安江陵平累遷儀同三司周書云江陵平拜使持節

夫大都督尋進車騎大將軍儀同三司周孝閔帝踐祚封臨濤縣子周書

邑五除司水下大夫出為弘農郡守遷驃騎大將軍

開府儀同三司司憲中大夫進爵義城縣侯俄拜洛

州刺史信為政簡靜吏人安之周書為政簡靜上時

陳氏與周

周書作朝廷

通好南北流寓之士各許還其舊

國陳氏乃請王褒及信等十數人武帝惟放王克殷

不害等

周書列傳曰王褒字子淵琅邪臨沂人也美風儀善談笑博覽史傳尤工屬文元帝出降

褒與王克劉歆宗懷殷不害等數千人俱至長安世宗即位篤好文學時褒與庾信才名最高特加親待

帝每遊宴命褒等賦詩談論常在左右南史列傳曰王克美容貌善容止仕梁庾

臺城陷仕侯景位大宰侍中錄尚書事景敗克迎侯王僧辯僧辯諄克曰王氏苻

仕陳位尚書右僕射又孝義傳曰殷不害字長卿陳郡長平人也性至孝事老母養小第勤劇無所不至

魏平江陵失母所在時天寒雪凍死者與滿溝整不害行哭尋求聲不暫輟過見

舉體凍僵水漿不入口者七日始得母尸即江陵

見者莫不哀之太建七年自周還陳除司農卿位至給事中是陳氏請褒及信在太建七年周武帝之建

德四
年也
信及
衰竝
惜而
不遣
尋徵
為司
宗中
大夫
周書武帝

紀云保定四年五月
明帝
武帝
周書作世宗高祖稱其廟號也
竝雅

好文學
信特蒙恩禮
至於滕趙諸王
滕王迥趙王招也
周旋

欵至有若布衣之交
羣公碑誌多相託焉
惟王褒頗

與信埒
自餘文人莫有逮者
周書論曰王褒庾信奇才秀出牢籠于代是

時世宗雅詞雲委女滕趙二王雕章間發威策宮虛館有如布衣之交由是朝廷之人閭閻之士莫不忘味

於遺韻眩精于味光猶丘陵之仰嵩岱川流之宗漢

以控放為本其詞以輕險為宗故能誇曰侈于紅紫

蕩心逾于鄭衛昔楊子雲有言詩人之賦麗以則詞

人之賦麗以淫若以庾氏方之斯又詞賦之罪人也
按子山少年宮體之作當時習稱徐庾及至晚年又與王褒竝埒而後世無庾王之目若欲品藻斯文子山之作求之六季字有其壽徐王二家難可提衡矣

東言本專

至其鄉關之文並多哀思是亦大雅之遺而信雖位
令狐以爲誇日蕩志詞賦之罪殆不然矣

望通顯常作鄉關之思乃作哀江南賦以致其意周書

備載其文**大象初以疾去職**大象周宣**隋開皇元年卒有**

文集二十卷隋開皇元年即周靜帝大定元年也靜

九歲按此及滕王序並稱文集二十卷惟隋書經籍

志稱後周開府儀同庾信集二十一卷疑隋平陳以

後得揚都之文較滕王本增多一卷也周**文帝悼之**

書卒不紀年亦不記其文集此爲較詳矣**贈本官加荆雍**周書**二州刺史子立嗣**謝趙王啓云

娘疑即庾立小字舊唐書賊薛舉傳曰仁果舉長子

也多力善騎射軍中號萬人敵然所至多殺人納其
妻妾獲庾信子立怒其不降磔于猛火之上
漸割以啖軍士按此知立亦志節之士也

滕王道原序

錢唐倪璠魯玉註釋

滕王道周文帝子也周書列傳白滕聞王道字爾固突少好經史解屬文武成初封滕國公建

德三年進爵為王六年為行軍總管與齊王憲征稽胡道破其渠帥穆友等還除河陽總管宣

政元年進位上柱國其年伐陳詔適為元帥節度諸軍事大象元年五月詔以荊州新野郡邑

萬戶為滕道出就國明年朝京其年冬為隋文帝所害國除道所著文章頗行於世按此序

大象元年滕王在新野時作所撰止魏周著述未及梁時蓋以太清雅亂江陵兵燹之故今集

中多雜南朝舊作文非滕王故本矣序出文苑英華今錄為弁首加注釋焉

蓋聞五聲調應則宮徵成其文左傳晏子曰五聲六律杜預注云五聲宮

商角徵羽八音克諧則絃管和其韻尚書曰八音克諧周禮大師職云八音全

滕王道原序

石土華絲木匏竹也所以周南召南之篇為風人之首小雅大

雅之作實王政之由子夏詩序曰關雎后妃之德也風之始也雅者正也政有大小

故有大雅焉有小雅焉詩譜曰周名者禹貢雍州岐山之陽地名大雅小雅者周室居西都豐鎬之時也

復其英華疑陽春白雪之唱郢中之曲彌高宋玉對問曰客

有歌於郢中者其為陽春白雪國中屬而秋風黃竹

和者不過數十人其曲彌高其和彌寡

之詞伊上之才尤盛

穆天子傳曰天子遊黃臺之丘獵於萃澤有陰雨天子乃休曰

中大寒北風雨雪有凍人天子作詩三章以哀之曰

我徂黃竹員闕寒乃宿於黃竹孔安國曰伊水出陸

耳山地理志云伊水出弘農盧氏縣東熊耳山東北入洛時穆王都西京故曰伊上遂能弘孝

敬敘人倫移風俗化天下兼夫吟詠情性沉鬱文章者可畧而言也楊雄為方言劉歆與雄書曰非子雲澹雅之才沉鬱之志不能成此書

開府司宗中大夫義成周書公庾信字子山南陽新

野人也周書武帝紀云保定四年五月改禮部為司

義城郡又西魏益州有義城郡義城縣舊曰義城置

鄆陵人晉世居新野元帝時徙江陵周書北史及此

序皆云南陽新野以其本新野人若夫有周之時掌

蓋西晉時邑居也注見哀江南賦

庾原其得姓皇晉之代大尉闢其宗譜左氏傳曰獻

皮之子過是庾氏得姓之先為掌庾大夫在於有周

之時哀江南賦云掌庾承周矣詩大雅甫田曰曾孫

之庾又楚茨云我庾維億毛傳曰露積曰庾鄭箋曰

庾露積穀也周語曰野有庾積包咸論語注曰十六

周書

宗隋書地理志襄陽郡穀城縣舊曰義城置

州有義城郡義城縣庾氏之先本

以其本新野人

注見哀江南賦

掌庾承周矣詩大雅甫田曰曾孫

我庾維億毛傳曰露積曰庾鄭箋曰

野有庾積包咸論語注曰十六

紀曰發倉庾如淳曰水潛倉曰庾

或云堯時有掌庾大夫以官

唐堯時已有掌庾至太尉庾

咸康六年薨贈太尉亮父琛在外戚傳琛永嘉初為
建威將軍過江為會稽太守子山八世祖滔亦隨晉
元帝過江為散騎常侍且滔未徙江陵之先滔居新
野而明穆皇后之族家于鄆陵是太尉亮乃信遠祖
之族非其本祖也以其晉世椒房氏
族極盛故稱引之云闡其宗譜矣
易奕氤氳布在

方策國史家謀世竝詳焉
班固典引曰易奕乎千載
注蔡邕曰易奕光耀流行

魏呂向日易長奕盛也周易曰天地氤氳萬物化
生禮記鄭注云方版也策簡也說文曰牒札也
八

世祖滔散騎常侍領大著作遂昌縣侯
晉書地理志
遂昌縣屬東

陽郡北史庾季才傳云八世祖滔隨晉元帝過江官
至散騎常侍封遂昌侯徙居南郡江陵哀江南賦云

彼凌江而建國始播遷於吾祖分南陽而賜田裂東
岳而胙土誅茅宋王之宅穿徑臨江之府是滔為徙

居江陵一代之祖也梁元帝庾肩吾墓誌云掌祖易
庚命族世濟琳琅遂昌開國蟬聯冠冕是也

徵士隱遁無悶確乎不拔
二語
出易
宋終齊季早擅英聲

南史列傳曰庾易字幼簡新野人也徙居江陵易志性恬靜不交外物齊臨川王映表薦之餉麥百斛易辭不受以文義自樂安西長史袁承映其風贈以鹿角書格蚌盤硯白象牙筆并贈詩曰白日構明青雲遼亮昔聞巢許今觀臺尚易以連理凡竹翹書格報之建武三年詔徵為司空主簿不就卒梁元帝庾肩吾墓誌云父易高尚其道肥遁居貞關吏早逢夙表真入之氣少微晚映還彰隱士之星哀江南賦亦稱其祖為少微真人天山逸民矣劉氏國號曰宋蕭氏國號曰齊言易在宋齊二代有盛名也父肩

吾散騎常侍中書令文宗學府智囊義窟鴻名重譽

獨步江南梁書列傳曰庾肩吾字子慎八歲能賦詩特為兄於陵所友愛初為晉安王國常侍

王每徙鎮肩吾常隨府歷王府中郎雲麾參軍並兼記室參軍中大通三年王為皇太子兼東宮通事舍

人除安西湘東王錄事諮議參軍俄以本官領荊州大中正累遷中錄事諮議參軍太子率更令中庶子

初太子在藩雅好文學時肩吾與東海徐摛等同被接賞及居東宮又開文德省置學士肩吾子信摛子

蔡王

陵等充其選太清中侯景寇京都及太宗即位以
 吾為度支尚書時上流諸蕃並據州拒侯景矯詔
 遣肩吾喻當陽公大心大心尋舉州降賊肩吾因逃
 入建昌久之方得赴江陵未幾卒文集行於世南史
 本傳云肩吾字慎之為晉安王國常侍王每徙鎮肩
 吾常隨府在雍州及奔江陵歷江州刺史領義陽太
 守封武康侯卒贈散騎常侍中書令餘同梁書梁元
 帝集中有中書令庾肩吾墓誌銘後漢書崔駰傳贊
 曰崔為文宗世擅雕龍史記曰秦樛里子號智囊漢
 書曰晁錯號智囊後漢書曰魯匡王莽時為羲和有
 術數號智囊晉書曰宣帝舉兵廢曹爽桓範出赴喪
 宣帝曰智囊往矣又杜預號智囊義窟未詳江南楚
 地戰國時荆郢間俱稱江南肩吾家本江陵也或穆
 陵哀江南賦借模盛於淳濱亦謂江陵也

七世舉秀才且珪且璋五代有文集貴族華望盛矣

哉七世自滔至肩吾凡七世也五代肩吾肩吾父易
 易父道驥驥父孜孜父某凡五代也攻父未詳昭

穆如父為昭子為穆左傳文之昭也武之穆也詩大
 雅云如珪如璋如璋令聞令望謝承後漢書曰郭林宗嘆

劉儒有珪璋之質南史庾於陵文集十卷隋書經籍

志梁度支尚書庾肩吾集十卷其餘文集史或缺文

按此知子山以上五代皆有文集也按文苑英華

本此下有幼而清惠唯良之美稱共治之能十三字

接佩犢帶牛有伴龔遂至王公名貴盡為虛襟接信

降山嶽之隆緼烟霞之秀至出為弘農守職實剖符

寄深分竹下接加以冥心資敬篤信天倫云云以子

山少長爵秩推之明是錯簡今為改正仍有舊本以

備參

信降山嶽之靈英華緼烟霞之秀器量伴瑚璉

志性甚松筠論語曰瑚璉也鄭注曰黍稷器夏日瑚

璉羊曰故當妙善文詞尤工詩賦窮緣情之綺靡

以為接神之器

盡體物之瀏亮陸機文賦曰詩緣情而誄奪安仁之

美碑有伯喈之情箴似楊雄書同阮籍晉書曰

絕麗尤善為哀誄之文續漢書曰蔡伯喈為郭林宗

作碑曰吾為人作銘未嘗不有辭容惟有郭有道碑

字安仁辭藻

晉書曰

伯喈為郭林宗

作碑曰吾為人

作銘未嘗不有

辭容惟有郭有

道碑

字安仁辭藻

頌無愧耳後漢書白初揚雄依虞箴作十二州二十

五官箴其九箴亡闕後涿郡崔駰及子瑗劉駒駰增

補十六篇胡廣復作四篇名曰百官箴凡四十八篇

世說曰魏朝封晉文王為公備禮九錫文王固辭不

受公卿將校當詣府敦諭司空鄭中馳遣信就阮籍

求文籍時在袁孝尼家醉扶起書札為之無所點定

乃寫付使時少而聰敏綺年而播華譽齡歲而有俊

人以為神筆

名孝性自然仁心獨秀忠為令德言及文詞穿壁未

勤映螢愈甚西京雜記曰匡衡字穉圭勤學而無燭

書映其光而讀之續晉陽秋曰車胤字武子南平人

胤就業恭勤博覽不倦家貧不常得油夏月則練囊

盛數十螢火若乃德聖兩禮韓魯四詩漢書儒林傳

以繼日焉

君戴聖次君德號大戴為信都太傅聖號小戴以博

士論石渠至九江太守由是禮有大戴小戴之學又

曰韓嬰燕人孝文時為博士景帝時至常山太傅嬰

推詩人之意而作內外傳燕趙間言詩者由韓生又

曰申公魯人也獨以詩經為訓事景帝為太子大
免去武帝使安車蒲輪束帛加璧徵魯申公云四詩
者漢書藝文志曰漢興魯申公為詩訓詁而齊轅固
燕韓生皆為之傳三家皆列于學宮又有毛公之學
按魯申公齊轅固燕韓生三家加趙人毛公此四詩
也志又云詩經二十八卷魯韓齊三應劭曰申公作
魯詩后蒼作齊詩韓嬰作韓詩按九流七畧之文萬
此三詩加毛公作毛傳亦四詩也

卷百家之說

漢書曰九流有儒家流道家流陰陽家
流法家流名家流墨家流從橫家流雜

家流農家流又曰劉歆總羣書而奏其七畧故有藝
畧有六藝畧有諸子畧有詩賦畧有兵書畧有數術
畧有方技畧博物志曰蔡邕有書近萬卷淮南子曰
百家異說各有所出後漢書伏湛傳曰永和元年詔
無忌與議郎黃景校定中書五經諸子百家藝術注
云中書內中之書也藝文志諸子凡一百八十九家
言百家舉
其成數也

各山海土金匱玉版之書魯璧魏墳縹帙

緗囊之記

司馬遷報任安書曰僕誠著此書藏諸名山
後漢書曰荀爽遭黨錮隱於海止又遁

漢濱以著書為事題為新書凡百餘篇在昉王文憲
集序云海止名山之旨是也太史公序曰石室金匱
之書索隱曰國家藏書之處漢書鼂錯傳曰平陽侯
宙等曰刻於玉版藏於金匱後漢書張衡傳曰清河
宋景以歷推言水災偽稱洞視玉版漢書魯恭王傳
曰恭王好治宮室壞孔子舊宅以廣其宮聞鐘磬琴
瑟之聲遂不敢壞於其壁間得古文經傳王隱晉書
束皙傳曰太康元年汲郡民盜發魏安釐王冢得竹
書漆字科斗之文有周易上下經三卷紀年十二卷
瑣語十一卷周王遊行五卷說穆王遊行天下之事
今謂之穆天子傳郭璞穆天子傳序曰太康二年汲
縣民不准盜發古塚所得書也汲者戰國時魏地也
案所得紀年蓋魏惠成王子令王之冢也於世本蓋
襄王也亦見杜預春秋後序梁昭明文選序云詞人
才子則名溢於縹囊飛文染翰則卷盈乎緗帙呂向
曰縹青白色囊有底袋也用以盛書緗淺黃色也帙
書衣也劉熙釋名曰緗桑也如桑葉初生之色也縹
猶漂漂淺青也有碧縹有天縹有骨縹各以其色所
象言也莫不窮其枝葉誦其篇簡皆能窮究也豈止仲

任一見之敏世叔五行之速

後漢書曰王充字仲任會稽上虞人也家貧無

書常游洛陽市肆閱所賣書一見輒能誦憶遂博通衆流百家之言又曰應奉字世叔汝南南頓人也少聰明自為童兒及長凡所經履莫不暗記讀書五行俱下**強記獨絕博物不羣年**

十五侍梁東宮講讀

為梁昭明太子東宮講讀也時梁武帝大憲元年袁江南賦云

王子濱洛之歲蘭成射策之年始合香於建禮仍矯翼於崇賢是東宮講讀時年十五矣**雖桓麟**

十四之歲答宿客之詩

文士傳曰桓麟伯父烏官至太尉麟年十二在座烏告客

曰吾此弟子知有異才殊能作詩賦客乃作詩曰耳羅十二楊烏九齡昔惟二子今則桓生麟即應聲答

曰邈矣其羅超等絕倫伊彼楊烏命世稱賢**魯連十**

二之年杜堅離之辨

魯連子曰齊辯士田巴服狙丘

離堅自合同異一日服千人有公劫者其弟子曰魯仲連年十二號千里駒往請田巴曰臣聞堂上不書

郊草不芸白刃交前不救流矢急不暇緩也今楚軍南陽趙伐高唐燕人于萬聊城不去國亡在旦夕先生奈之何若不能者先生之言有似梟鳴出城而入惡之願先生勿復言田巴曰謹聞命矣巴謂徐劫曰先生乃飛兔也豈直匪或斯尚同日語哉言桓驎魯千里駒巴終身不談連二子不

是過也 玉墀射策高等甲科公孫金馬之時仲舒鴻漸之日未能連類會何足云漢書曰廷衛射策甲科以不應令除為太常掌故師

古曰儒林傳說歲課甲科為郎中乙科為太子舍人

丙科補文學掌故又漢書曰公孫弘拜為博士待詔

金馬門楊雄解嘲云公孫創業於金馬是也漢書贊

曰公孫弘上式兒寬皆以鴻漸之翼困於燕雀又云

儒雅則公孫弘解褐授安南府行叅軍尺木未階高

董仲舒兒寬衢方騁吳志太史慈傳注云孫策出教曰龍欲騰翥

先階尺木王燦登樓賦曰假高衢而騁力尋轉尚書度支郎中壯歲精練必以吏能上象列宿

非因忿氣

漢官典職云尚書郎初從三署詣臺試初上臺稱守尚書郎中歲滿稱尚書郎三年

稱侍郎凡三十三人選吏能者為之華嶠後漢書曰

館陶公主為子未郎不許賜錢于萬明帝謂羣臣曰

夫郎中上應列宿出守百

里苟非其人則民受其殃

霧視天有同於樂廣

後漢書曰黃香字文疆江夏安陸人也嘗獨止宿臺上晝夜不

離省闕王隱晉書曰樂廣字彥輔南陽清人也為尚

書令衛瓘見而奇之命諸子造焉曰每見此人瑩然

若開雲霧仍為郢州別駕刺史之半驥足斯展

漢到

江夏吳曰武昌是也隋志江夏郡舊置郢州庾亮答

郭景書曰別駕舊與刺史別乘同宣王化於萬里者

其任居刺史之半安可任非其人蜀志吳將魯肅遣

先主書曰龐士元非百里才也使處治中別駕之任

始嘗屨其於時江路有賊梁先主使信與湘東王諡

足耳

中流木戰事醜徒聞其名德遂即散奔深為梁主所

賞南史武帝紀云天同八年春安城郡人劉敬秀

擒之送於都斬之建康市哀江南賦云論兵於江漢

之君是也先主梁武帝也梁書云天監十三年立皇

子尋為蓋善戰者不陣此之謂乎穀梁傳曰善師者

湘東王蓋善戰者不陣此之謂乎穀梁傳曰善師者

注云帥眾素嚴不兼通直常待使於魏土接對有才

須耀軍列陣也兼通直常待使於魏土接對有才

辨本傳聘於東魏文章辭令甚為鄴下雖子貢之旗

鼓陳說仲山之專對智謀無以加也史記曰端木賜

口巧辭一出存魯亂齊破吳疆晉而霸越韓詩外傳

曰孔子遊於景山之上下路字貢顏淵從孔子曰登

高必賦小子願言者何其願丘將啓汝子貢曰兩國

構難壯上列陣塵埃漲天賜不特一尺之兵一斗之

糧解兩國之難用賜者存不用賜者亡孔子曰辯士

哉詩大雅蒸民云保茲天子生仲山甫又白王命仲

山甫式是百辟出納王命王之嘆吉賦政於外四方

爰發肅肅王命仲山甫將之邦國若否仲山甫明之

毛傳曰仲山甫樊侯也 還本國為正員郎職位清顯以望以實

又為東宮領首春宮兵馬並受節度龍樓蘭錡寵寄

逾隆 本傳云為東宮學士哀江南賦云送崇文而會武又有掌兵典午之詞知東宮領直即度兵馬

故簡文帝命信李宮中文武千餘人是其任兼文武

者也 漢書成帝紀曰上常急召太子出龍樓門張宴

名也 西京賦曰武庫禁兵設在蘭錡 值侯景篡逆攻

圍淮海建康宮殿非無流矢之兵丹陽帝居遂有生

荆之痛 梁書帝紀云太清元年侯景陷建業二年臺城陷三年武帝崩簡文帝即位改元為大寶

元年冬十月侯景逼帝幸西州曲宴自如宇宙大將

軍都督六合諸軍事二年廢帝為晉安王矯帝詔以

為次當支庶宜歸正嫡禪位於濛章王棟使呂季春

升非次遂主震方鳴咽不能自止賊眾皆為流泣乃

幽帝於永福殿省冬十月帝崩康以卒末年十一月

十九日篡位建康

陽郡江寧黎置丹陽郡及南丹陽郡有秣陵建康同

夏三縣禮記曰魯莊公及宋人戰於乘丘縣責父師

馬驚敗績縣責父死之圍人浴馬有流矢在白肉公

曰非其罪也遂誅之淮南子曰白刃合流矢接呂失

春秋云子胥曰嗟乎吳朝必生荆棘矣漢書伍被曰

臣今見宮出往土流來歸全楚本傳侯景作亂梁簡

武手餘人營於朱雀航及景至信以眾先退臺城陷

後信奔於江陵江陵楚地漢書項籍傳曰古之王者

地方千里必據上游文穎曰水之流上游或作流漢

書音義曰舊名江陵為南楚吳為東楚彭城為西楚

時元帝承制江陵統屬於時州后卽湘東王也時元

三楚故云來歸全楚

帝承制其後封豕既誅長蛇受戮湘東有雪耻之功

江陵

淮海有勤王之旅同少康之復夏若太戔之紹殷卽

於荆江驟置文物梁書元帝紀云大寶二年九月簡

文帝崩于僧辯等奉表勸進帝不

許前四方表勸前後相屬乃下令斷表承聖元年二月

戶蘭國公絹布五萬疋三月僧辯等平景傳首江陵

勸進乃許之即位於江陵左氏傳曰吳為封豕長蛇

流災上國封豕喻侯景也湘東雪耻謂平侯景也淮

海勤王又哀元年伍員謂吳子曰昔有過澆滅夏后相

后番方娠逃出自寶歸於有仍生少康焉逃奔有虞

有田一成有衆一旅以收夏衆遂滅過戈復禹之績

史記曰殷道衰諸侯或不至帝大戊伊復為梁後主

步為相殷復興諸侯歸之故稱中宗復為梁後主

蕭繹御史中丞 繹梁元帝諱也本傳元帝承制除御

秦官也秦時御史大夫有二丞其一御史丞其一為

中丞中丞外督部刺史內領侍御史受公卿奏事舉

勃按章漢東京至晉因其制以中丞為臺主中興司直

具瞻斯在

詩云邦之司直

貴戚斂手豪族屏氣

後漢書曰

鮑永為司隸校尉鮑恢為都官從事帝曰貴戚且宜

史不畏豪族後漢書曰李膺拜司遷散騎常侍右衛

將軍豐貂右弭戎章再徒應劭漢官儀曰侍中金輝

聖恩所加登之常伯之列飾以貂璫之暉戎章再徒

謂為右衛阮藉非好之職鄭默參乘之官晉書阮籍

魏之際天下多故名士少有全者籍由是不與世事

遂酣飲為常又鄭默傳曰默為散騎著德廊廟切問

近對史記曰賢人深謀下廊廟爾雅曰室有東西廂

日侍中常伯切問拜武康縣開國侯晉書地理志云

故防風開國承家信圭是執河帶山礪貽厥於后

氏國

吾封武康縣侯子山襲父爵也周易師卦云大君有命開國承家周禮諸侯之禮節信圭漢書功臣表封

爵之誓曰使黃河如帶泰山若礪國以末即以本官存爰及苗裔應劭白帶衣帶也礪砥礪也

奉使大國謂聘西魏也光華重出原隰再來詩云皇皇者華於彼原隰

太祖夾輔魏朝作相關右太祖周太祖宇文泰魏之安定公也高歡之亂太祖

奉帝都長安教曰作相關右三分有二九合一出論語德邁晉宣

雄踰魏武晉宣帝司馬懿魏武帝曹操也謂周太祖祖將有魏室功業過於晉魏二君也

高網地道映在田呂氏春秋曰湯見祝網者置四面湯收其三面置其一而漢南之國

聞之曰湯之德及禽獸矣四十之國歸之人置四面未必得鳥湯去其三面以網其國四十非徒網鳥也

易曰見龍在田利亦見子山賜職如舊屬我太祖獻見大人君德也

策魏帝命將荆衡謂李江陵也元帝紀云先是魏使宇文仁恕來聘帝接仁恕有闕魏

秦王直原字

相安定公憾焉使於謹來攻是江陵之尋值本朝青

蓋入洛續漢志曰王車朱班輪青蓋左右駢駕三馬

於是拾節入仕乃沐霸恩改授使持節車騎大將軍

儀同三司戎號光隆比儀台鉉天文志有三台周易云鼎玉鉉高官

美宦有踰舊國舊國謂梁也葦又遷驃騎大將軍開

府義城公王沉晉書曰王沉字處道太原晉陽人也武帝受禪以使命之勳轉驃騎將軍進爵為公蜀志曰黃權字公衡

巴西閬中人也先主以權為鎮北將軍督江北軍以

防魏師先主自在江南及吳將軍陸議乘流斷圍南

軍敗績先主引退而道隔絕權不得還故率將所降

領降於魏景初三年權遷為車騎將軍儀同三司降

在季世秩居上品爵為五等榮貴兩朝晉書職官志曰開府儀同

工司漢官也。漢帝延平元年，劉騭為車騎將軍，儀同

二司儀同之名，始自此也。及魏黃權以車騎將軍開

府儀同三司，開府之名起於此也。魏驃騎車騎將軍開

府者，皆為位從公。諸公及開府位從公者，品秩第一

等。公侯伯子男，出為弘農郡守，職實剖符寄深分

兩朝謂魏周也。本傳云：周孝閔踐阼，封臨清縣子，除司水大夫，出

為弘農郡守。隋志云：河南陝縣後魏置，陝州弘農

又志稱弘農郡，弘農舊置西恒農部。後周廢，漢書

又帝紀曰：初與郡守為銅虎符，竹使符。張宴曰：符以

代古之圭章，從簡易也。師古曰：與郡守為佩犢帶牛

符者，謂各分其半，右留京師，左以與之。

有侔龔遂。漢書曰：龔遂為渤海太守，躬率以儉約勸

賣刀買犢，曰：何為帶牛佩犢？春夏不得不出畝，秋

冬課收，歛益畜果實，菱芡勞來，循行郡中，皆有畜積

吏民皆富實。桑枝麥穗，無謝張堪。後漢書曰：張堪字

詡，獄息止。若游光武時為漁

陽太守，捕擊盜，滑賞爵，必信吏民，皆蒙為用，乃於狐

奴謂稻八十，頃勤云耕種，以致發書，百姓歌之曰：

太守廉潔，百姓歌之曰：太守廉潔，百姓歌之曰：

太守廉潔，百姓歌之曰：太守廉潔，百姓歌之曰：

桑無附枝麥穗兩岐
張君為政樂不可支
入為司憲中大夫帥掌三勅之

法助宜五禁之書秋府得人於斯為盛
易曰君子以

勅疑作三刺禮記曰司寇正刑明辟以聽獄訟必三

刺鄭注一曰訊羣臣二曰訊羣吏三曰訊萬民周禮

司刺掌三刺三宥三赦之法又曰士師掌國之五禁

之法以左右刑罰一曰宮禁二曰官禁三曰國禁四

曰野禁五曰軍禁皆以木鐸徇之於詔書而懸於

門閭秋府謂司憲大夫即古秋官司憲之職也嘗

正曰上府賦詩曰詰旦啓門闕繁辭擁筆端蒼鷹下

獄吏解豸飾刑司朝引玉節盟載捧珠盤窮紀星

移次歸餘律未殫雪高三尺厚冰深一丈
英華作寸寒短

筍猶埋竹香心未起蘭盃門久失路扶搖忽上搏栖

鳥還得府棄馬復歸欄榮華名義重虛薄報恩難枚

乘還起疾貢禹遂彈冠方垂蓮葉劍未用竹根丹

知玄象法詎思垂釣竿

注見第四卷詩集

其王事之中優游

如此出為洛州刺史

隋志河南洛陽後魏置司州東魏置東京六府總

管

德茂褰帷才膺刺舉

後漢書曰賈琮為冀州刺史舊典傳車繁駕垂赤帷裳迎

于州界及琮之部升車言曰刺史當遠視廣聽糾察

美惡何有反垂帷裳以自掩塞乎乃令御者褰之百

姓聞風者自然竦震其諸臧過者望

吏不敢賄人不

風解印綬去漢官儀曰刺舉州事

忍欺後漢書曰楊震為荊州刺史知其民王密舉為

茂才除昌邑縣令震改為東萊太守路經舊徑

密夜懷金于金奉公公不受密曰無知莫若夜公曰

天知神知我知汝知何謂無知漢書曰韓延壽為東

郡守民上洛童兒如逢郭伋商山故老似值劉弘後漢

不忍欺書曰郭伋在并州素給恩德及後入界所到縣邑老

幼相攜始至行部到西河美稜有兒童數百各騎竹

馬道次迎拜侯驚謝之及事訖諸兒復送至郭外商
 使君何日當還侯謂別駕從事計日當到之行部既
 還先期一日侯為違信於諸兒遂止於野亭須期乃
 入晉書曰劉弘字和季沛國相人也有幹畧政事之
 才太安中使持節南蠻校尉荊州刺史又為鎮南將
 軍都督荊州諸軍事討斬張昌悉降其眾弘勸課農
 桑寬刑省賦歲用有年百姓愛悅位至車騎將軍開
 府弘子璠為順陽內史江漢之間翕然歸心父老追
 思弘雖其棠之誅名伯無以過也言子山在洛如郭
 侯之治并州劉弘之鎮襄陽也上洛商山皆洛州地
 漢書弘農郡有上洛復為司中大夫總轄禮府佐
 縣四皓隱於商山

治春卿辨九拜之儀教六詩之義周禮宗伯禮官之
 職云辨九摻一曰

稽首二曰頓首三曰空首四曰振動五曰吉摻六曰

凶摻七曰奇拜八曰褒拜九曰肅拜以享有祭祀摻

音拜又云教六詩曰風曰賦比曰興曰雅曰頌謂

司宗大夫即古宗伯禮官之職是為春官故云禮府

春卿自梁朝筮仕周世驅馳至今歲在屠維龍居淵

矣

獻春秋六十有七

爾雅曰太歲在巳曰屠維在亥曰大淵獻蓋巳亥年也歲陽在巳謂

歲于也歲陰在亥謂歲支也時周宣帝大象元年巳亥歲也隋開皇元年辛丑信幸年六十九歲

雖耆宿艾更新奇才子詞人莫不師教王公名貴盡

為虛襟加以冥心資敬篤信天倫孝實人師刑推士

則世說曰陳仲舉言愠喜不形於色忠恕不離於懷

世說王戎云與嵇康居二十年未矜簡儼然師心獨

往似陸機之愛弟若韓康之養甥晉書曰陸機字士衡弟雲字士龍又

曰韓伯字康伯潁川長社人為殷浩甥浩素賞愛之

小園賦云韓康則舅甥不別是也此云韓康養甥

是其外孫又曰韓康伯母隱古凡毀壞下物見凡

伯字康伯故曰韓康與後漢逸民韓伯休焉異也

堵之間怡怡如也

禮記曰壘堵之室

屢聘上國特為太禮

知江陵名士惟信而已綢繆禮遇造次推恩明帝守

文偏加引接武皇英主彌相委寄

本傳世宗高祖雅好文學信特蒙

恩禮密勿王事多歷歲年自攜老人關亟移灰陪

晉書樂志

曰取弘農宜陽金門為瑄河內

茂苧為灰以候氣氣至者灰去 烝烝色養勤同扇

席尚書曰克諧以孝烝烝又弗格姦潘岳問居賦曰尚能違膝下色養而屑屑從斗筲之役乎晉書曰

王延事親盡色養夏則及丁母憂杖而後起病不勝扇席冬則以身溫被

哀青鸞降宿樹之祥白雉有依欄之感

謝承後漢書曰方儲字聖

明幼喪父事母終自負土成墳種奇樹千株鸞鳥止其上續漢書曰申屠蟠陳留外黃人九歲喪父哀

毀過禮廬於塚側致其露白雉之祥晉國公廟期受託為世賢輔周書

蕩公護字薩保太祖之兄郤惠公顯之少子也太祖西巡至牽屯山遇疾馳驛名護護至涇州見太祖而太祖疾已綿篤謂護曰吾形容若此必是不濟諸子幼小寇賊未寧天下之事屬之於汝官免力以成吾志護涕泣奉行至雲陽而太祖崩護秘之至長安乃發喪時嗣子冲弱寇寇在近人情不安護綱紀內外撫循文武于是衆心乃定孝見信孝情毀至每日閤閱踐作拜犬司馬封晉國公

嗟嘗語人曰庾信南人羈士至孝天然居喪過禮始

將滅性禮記喪服制曰毀不滅性不以死傷寡人

見遂不忍看其至德如此被知亦如此昔在揚都每

集十四卷值太清罹亂百不一存及到江陵又有三

卷卽重遭軍火一字無遺今之所撰止入魏已來爰

泊皇代凡所著述合二十卷分成兩帙附之後爾

卷三直東三

及北史皆云文集二十卷惟隋書經籍志稱二十

卷集中詩賦多雜梁時舊作疑是平陳後所得增

一卷且今所貽留亦非滕王故本大抵建業余與

之文猶有存者而江陵軍火無遺一字矣

山夙期款密本傳滕趙諸王周旋款至知滕情均鑄

紵契比金蘭左氏傳曰吳公子札聘於鄭見子產

辭曰二人同心其利斷金同心之言其臭如蘭欲予製序聊命翰札幸無愧

色非有絢章方當貽範搢紳懸諸日月焉後漢書曰郭泰卒同

志者乃共刻石立碑蔡邕為文既而謂涿郡盧植曰

吾為碑銘多矣皆有懃德惟郭有道無愧色耳馬融

論語注曰絢文貌司馬相如封禪書曰因雜搢紳先

生之畧術臣瓚曰搢赤白色紳大帶楊雄答劉歆書

曰張伯松不誦雄之文然亦有以

奇之曰是懸諸日月不刊之書也